



XXX
WAGENS.
1676




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.166





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.166



Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.166




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.166

2. 6. 166

2. 6. 166

XXX ~~III~~

WAGENS



DISPUTATIO JURIS PUBLICI

Exhibens

CATALOGUM
IMPERATORUM

Qui post Francicos, ad Interregnum
usq; Imperio Germanico præfuerunt.

Eam


PRÆSIDE

JOH. CHRISTOPHORO
WAGENSEILIO,

J. U. D. & Jur. Publ. ac Linguar. Oriental.
Profefs. Publ.

Defendet

PAULUS BERNBERG,
Hamburgensis.



Ante diem XV. Marti, Anni M. DC. LXXVI.

H. L. Q. C.

ALTDORFFI

Typis Johannis Henrici Schönerstædt.

LIBRARIUS
C. M. A. L. O. G. U. M.
IMPERATORUM
G. M. A. L. I. A. S. I. C. O. S. A. D. I. A. T. I. O. N. E. M.
P. R. A. E. S. I. D. E.
J. O. H. C. H. R. I. S. T. O. P. H. O.
W. A. G. N. S. T. E. I. N.
J. U. B. A. I. N. T. E. R. I. M. A. S. I. C. A. S.
P. A. U. L. U. S. B. E. R. N. D. E. R. G.
H. A. N. S. I. N. G. A. S.
M. D. C. L. X. X. I.
M. I. O. G.
F. R. A. N. C. I. S. C. A. S. I. N. G. A. S.



FELICITER!

I.

Diximus in ea , quæ proxime præcessit Dissertatione,, de Francicis Imperatoribus, hoc est, Carolo M. ejusque Successoribus posteris , qui Seculo post Christum natum IX. rebus in Germania Imperioque præfuerunt. Quamobrem consequens est, ut ad alios porro progrediamur , atque quemadmodum cœpimus , horum quoque gesta , breviter , & τυπωδῶς , crassiore velut Minerva , indicemus potius , quam persequamur. Quippe , istarum rerum uberiores cognitionem, Prudentiæ Publici Juris Auditorem, ex coævīs Historiarum Scriptoribus (ceū, priusquam nos accedat, fieri, non opus tantum, sed & necesse est) addidicisse confidimus, ut nihil ultra requiratur, quam κατὰ κεφάλαια narrationem instituere, quo, olim lecta & meditata, redeant in memoriam.

II.

Igitur , occasione deficientis in Orientali regno stirpis Carolinæ , magnæ discordiæ & æmulationes , Italarum, Gallorum, & Germanorum coortæ sunt. Tandem vero, Ottoni, Saxoniz Duci, Germani Proceres, magno consensu, rerum summam deferunt, verum, is facile animadvertens, sine ingenti motu, jus regni in novam familiam transire non posse , ætatem causatus, CONRADUM Fran-

A 2

corum

corum Ducem, patre, prout testator memoria habet, cognomine, *Conrado, Franconia Duce*, quem *Adelbertus* Bambergensis, praelio apud Frideslariam interemerat, genitum, veluti tantæ moli parem, demonstravit. Huic suffragationi, cum *Hattonis* quoque Moguntini accessisset autoritas, Regnum Germanicum Conradus adeptus est. Eam rem, iniquiore animo ferebant, *Giselbertus* Dux Lotharingiæ, *Arnulphus* Dux Bavarix, *Erchinger* & *Berchtoldus* Sueviæ sive Alemanniæ Rectores, quare adversus Conradum insurgunt, *Carolus Simplicem*, tanquam justum Imperii hæredem, ex Galliis & Occidentali Francia arcessendum esse, contententes; iisque, post Ottonis Saxonix Ducis obitum, ejus filius *Henricus*, prior tamen, gravi, uti volunt, injuria a Conrado laceratus, se quoque adjunxerat. Sed, eos omnes oppressit Conradus, partim vi, partim consilio & prudentia. Fuit enim Princeps strenuus, & usu exercitatus; unde Arnulphum Bavaria exiit, Erchingerum & Berchtoldum fratres, securi etiam subjecit. Interim, his turbis implicitus Conradus, de vindicanda sibi Italia, & asserenda in ea dignitate Cæsarea, non poterat esse sollicitus, atque constat insuper, circa hæc tempora, *Berengarium*, qui Italiæ regno solus potiebatur, a *Johanne X.* Pontifice Imperatorem fuisse declaratum. Fato proximus Conradus, egregium moderationis exemplum edidit, quando neglecto fratre Eberhardo, Henricum Saxonem adversarium, transmissis ad eum regni insignibus, regalibusque ornamentis, designavit Successorem. Uxor ei fuerat *Placentia*, *Ludovici Germanici* Senioris, aut, ut alii volunt, *Junioris*, filia, ex qua liberos nullos suscepit, mortuusque est anno 7. administratæ potestatis. De vitæ illius duratione, silent Scriptores.

III.

Habuit Conradi morituri commendatio; magnum
apud

apud Imperii Proceres pondus, proindeque HENRICUS
cui Aucupia, (five, quod Juvenis iis valde caperetur, five,
quod in illis occupabatur, cum perventuri ad se Imperii
nuncium & insignia prope Goslariam acciperet,) *Aucupis*
cognomen dederunt, ad Regimen Germanicæ nationis eve-
ctus est, qui, *Ottone* Saxonix Duce, *Witekindi Magni* abne-
pote, patre, *Luitgarda* vero, (quam alii *Heduvigem* vocant)
Arnulphi Imperatoris filia, matre, fuerat prognatus. Ei,
animi magnitudinis, roboris, pietatis, moderationis, atq;
prudentiæ laudem, Scriptores magna concordia tribuunt,
nec de fide dictorum dubitare nos sinunt, res insigniter ab
eo gestæ. Etenim, *Arnulphum* Bavariæ Ducem, qui audita
Conradi morte, ex Ungarico exilio domum reversus fuerat,
& Regis nomen assumerat, gravi oratione ad obsequiū fle-
xit: *Burchardum* Sueviæ Ducem, etiam supplicem fieri coë-
git. A Gallo repetiit *Lotharingiam*; contra *Vandalos* & *Sora-
bos* exercitum duxit, iisque domitis, totum illum tractum
præfecturis limitaneis, quas *Marchias* vocamus, distinxit,
itaque, *Marchia Brandenburgensis*, *Schlesvicensis*, & *Misnen-
sis* five *Lusatia*, hunc habent autorem. Porro, *Wenceslaum*,
Bohemorum Principem, ad pacem coëgit, *Vormio* Dano-
rum, tributum insuper imperavit. Imprimis vero memora-
bile est bellum adversus *Hungaros* gestum. Cum enim hi
tributa exigentes, nihil nisi canem villaticum, scabiosum,
& tonsum, per ludibrium retulissent, ipsi furibundi, *Slavo-
rum* ingentibus copiis sibi junctis, cum trecentorum millium
exercitu, Germaniam populari cœperunt. Sed vero,
Henricus iis occurrit ad *Mersburgum*, illosque ad interne-
cionem prope delet. Reliquiæ, naribus, auribus, mani-
busque amputatis, domum ire, & popularibus nunciare jus-
sæ sunt, de cætero domi se continerent, aliena non appete-
rent, neque ad ea loca, ubi hujusmodi eos tributa mancant,

porro accedant. Ajunt quidam, Henricum in hujus victoriae memoriam, instituisse *Ludos Equestres*, quos *Torneamenta* vocant, etsi contra alii merito dissentiunt. Germania pacata, cum iter in Italiam meditaretur Henricus, paralyti extinctus est, anno imperii 17. ætatis vero 60. cum prius *Ottonem* filium, successorem designasset, quem ei una cum *Henrico*, Bavariæ postea Duce, & *Brunone*, Colonienfium deinde Præfule, ac quinque filiabus, *Mechildis*, Ringelheimensis Comitis filia peperit.

IV.

OTTO I. moribus, rebus gestis, fortuna, cognomentum *Magni*, omni ex parte implevit. Fuit enim, Princeps magnanimus, pius, prudens, justus, clemens, & manu strenuus. Scilicet, *Tanquardum* fratrem nothum, & *Henricum*, germanum fratrem rebelles, una cum conspirationis fociis, *Eberhardo* Duce Franconiæ, & *Giselferto* Lotharingiæ Duce, sororio suo, oppressit; Henrico tamen supplicii pepercit, ac Bavariam donavit. Porro, *Ludolphum* filium, infidiatorem, bello persecutus, ad veniam petendam coëgit *Boleslaum* Bohemiæ Principem, *Haraldum* Daniæ Regem, domitos, vassallos fecit, inque Dania Christianam religionem feliciter propagavit, quod idem circa Slavorum, quoque gentem præstitit. Adhæc, *Ludovicum Transmarinum* Galliæ Regem, adversus *Hugonem* Parisiorum Comitem defendit, regnoque restituit. *Hungaros*, Germaniam vastantes, ingenti prælio ad Lycum amnem vicit, & tres eorum Regulos captos, laqueo peremit. In Italia, *Berengarium* II. Longobardorum Ducem, compescuit, iterumque rebellantem, victum, cum uxore *Willa*, Bambergam exulatum ire jussit. In secunda hac Italica expeditione, Otto Romam venit, ibique a Romanis, per manus *Johannis XII.* Ponti-

Pontificis, Cæsareū nomen & diadema suscepit; & cum his, Imperium in urbem Romam, in Papam, in patrimonium Ecclesiæ Romanæ. Illud jus, a *Leone VIII.* (quem, Johanne XII. quod cum *Adelberto* Berengarii filio adversus se conjurasset, deposito, in locum surrogaverat Imperator) mox in perpetuum Germaniæ & Imperatoribus Germanicis ita stabilitum est, ut ad jura illa Cæsarea exercenda, nullam impofterum Pontificis auctoritatem aut coronationem necessariam esse, sed electionem aut successionem ad ea conferenda sufficere, in Synodo decretum fuerit. Leone defuncto, huic *Johannem XIII.* succedere Otto voluit, quem, cum Romani male tractarent, & *Benedictum* quendam creassent Pontificem, Imperator eorum perfidia graviter offensus, urbem capta, Consules proscrispsit, Decuriones suspendio necavit, *Benedictum* in Germaniam ad *Adaldagum*, Hamburgensem Episcopum, exulem ire coëgit. Denique, idem Græcis, ob Legatos suos contumeliose habitos, *Calabriam* & *Apuliam* (pro qua postrema voce, dubio procul in Cl. Ruperti nostri Notis ad Synopsin Besoldi p. 650. *Graciam* vitiose editum habetur) ademit. Mortuus est A. C. 973. cum annos 37. imperasset, eique *Editta*, *Edmondi* Angliæ Regis filia, & *Adelheidis*, Lotharii Regis Italiæ vidua, nupsērunt.

V.

OTTO II. Ottonis M. ex Adelheide filius, a patre vivo, consors Imperii factus est, qui, illum quoque Romæ A. 968. coronari curavit. Hujus res gestæ præcipuæ fuerunt, quod *Henricum Bavarum* patruelem, Imperium sibi vindicantem, oppugnavit, proscrispsitque; & Bavariam ereptam, *Ostoni*, Sueviæ Duci, Ludolphi Fratris filio, tribuit. Quod *Danos* rebelles, rursus Imperii jugo subdidit. Quod *Lotharingiam*, a Lothario Galliæ Rege ereptam, Germaniæ iterum co-

rum copulavit : cumque Lotharius eum Aquisgrani pæne oppressisset, injuriam hanc, ad Lutetiam usque infesto exercitu excurrando, vindicavit. A *Gracis*, Saracenorum auxilio, Calabriam & Apuliam repetentibus, Itolorum proditione, ad Basantellum turpiter victus, captusque, per soluto modico lytro, & beneficio Græcæ linguæ, mercatorem se gerens, evasit, atque deinde de Principibus Italis, convivio lethali eos in Vaticano excipiens, perfidiæ pœnas sumsit, tulitque ex ea re titulum, *Ottonis Sanguinarii*. Periiit paulo post, a Saracenis sagitta venenata percussus; aut, ceu aliis proditum est, ventris profluvio, Romæ A. C. 983. postquam solus ab obitu Patris 9. (mendose iterum in Ruperti nostri Historia 19. expressum est) annos, & menses 7. imperaverat.

VI.

O T T O III. Ottone II. Imperatore, & *Theophania* Nicephori Constantinopolitani Imperatoris privigna, parentibus progenitus, *Miraculosus*, & *Mirabilia Mundi*, cognominatus fuit. Eum, vix annos undecim natum, *Willigisus*, Moguntinus Præsul, Aquisgrani, & post triennium, *Gregorius V.* Papa, Romæ inaugurarunt. Hujus postremæ urbis dominium, cum *Crescentius* Consul affectasset, illum Imperator a sino facie averfa impositum circumduci, naso dein & auribus mutilatum, ac multis confossum vulneribus, una cum aliis duodecim seditionis sociis, patibulo affigi jussit. Amplius *Johannem*, adulterinum Pontificem, a *Crescentio* intrusum, primum oculis, mox vita privavit, & *Brunonem*, Ottonis Sueviæ Ducis filium, *Gregorium V.* dictum, Pontificatui restituit, ac post hujus obitum, *Gerebertum*, sive *Sylvestrum II.* successorem fecit. Porro, *Mariam Arragoniam* Augustam, fœminam pro-

cacis-

cacissimam, Imperator vivam combussit, quoniam illius calumniis persuasus, *Comitem Mutinensem* infontem (innocentiam hanc, vidua Comitis, per laminam candentem comprobante) securi percusserat. Ab Italis denuo rebellantibus fere extinctus fuisset, quod periculum, postquam suorum fide ac industria vix evaserat, venenatis chirothecis ab uxore Crescentii missis, anno 29. ætatis, & 19. administrati Imperii, periit, nulla relicta prole. Vulgo, hunc Imperatorem, Augustissimum *Electoriale Collegium*, non sine Papæ *Gregorii V.* consilio, instituisse perhibent, quæ tamen opinio vehementer a vero abludit.

VII.

HENRICUS, *Henrici Hezelonis* filius, *Henrici Rixosi* nepos (quæ generis series, in Ruperti nostri Historia, depravate ac corrupte transposita, sic restituenda est) *Henrici Aucupis*, Germaniæ Regis pronepos, qui discriminis causa, *Secundus*, item *Claudus*, & *Sanctus* dicitur, Ottoni III. Statuum electione successit. Is, *Arduinum* Marchionem, qui in Lombardia pro Rege se gerebat, & a quo primum in fugâ conjectus fuerat, vicit, & omni potentia exuit, sicque initio Ticini, a Mediolanensi Archiepiscopo, Rex Italiæ, & ex interjecto tempore, Romæ deinde, a *Benedicto VIII.* solemni cæremonia Imperator coronatus est. Amplius, *Boleslaum* Poloniæ Regem, bello fractum, ad petendam pacem adegit Henricus, *Jaromirum* Bohemum, Principatu & libertate exuit; *Balduinum* Comitem Flandriæ, Lotharingiam Godofredo donatam raptantem, compefcuit: *Græcos* & *Saracenos* ex Apulia & Calabria ejecit, illasque regiones *Normannis* incolendas ac defendendas concessit. *Rinoldo* Comite Bambergense, sine mascula prole mortuo, *Bambergensem Episcopatum* constituit, & Pontifici *Benedicto*

B

VIII. qui

VIII. qui illius consecrandi gratia Alpes transcenderat, ejusque Successoribus, in singulos annos equum album & centenas marcas argenti promisit. Quibus ita præstitis, lectoque Conrado Franconiæ Duce successore, mortuus est Imperator A. C. 1024. Imperii 22. *Kunegunde* uxore, *Sigefridi* Palatini filia, virgine relicta: ob quam continentiam *Sanctus*, ob affectum vero erga Clericos, *Monachorum Pater* appellatus fuit.

VIII.

CONRADUS II. *Salicus*, Henrici Franconiæ Ducis ex *Adela* Gerardi Metensium Comitis gnata, filius, in Italiam rebellem contendit, & Mediolani ab Archiepiscopo *Erebero*, Romæ, a *Johanne XIX.* diademata admisit. *Burgundiæ* Regnum, a *Rudolpho*, filio suo *Henrico* legatum, frustra resistente *Odone* Celticæ Comite, sororio Rudolphi, Imperio adjunxit. *Bohemos* & *Polonos* felici bello compescuit. *Stephanum* Regem Hungariæ, qui Bavariæ inhiabat, debellavit. Dehinc, prope Trajectum, Belgii urbem, subita morte A. 1032. fato functus est, cujus cadaver *Spiram* in templum S. Mariæ, quod ipse magnifice condere cœperat, fuit translatum. Imperavit annos 15. & in conjugio habuit *Gisela*, *Hermanni* Sueviæ Ducis filiam, cum qua *Henricum III.* successorem procreavit.

IX.

HENRICUS III. a crinium colore *Niger* dictus, puer duodecennis, vivo patre Rex Romanorum declaratus fuit, cumque postea *Clemens II.* Pontifex coronavit. Is, *Bretislavum* Bohemorum Ducem bello coërcuit, & tributum annuum pendere coëgit. *Abanum*, (*Ovonem* aliis dictum) qui *Petro* pulso, Hungariæ Regnum usurpaverat, tribus præliis vicit,

vicit, regno exiit, & Petrum restituit. Austriam, *Alberio* Bavaro donavit, ac primum *Marchionem Austriae* fecit. *Godefredum* Lotharingum, qui, inito foedere cum *Baldwino* Flandriae Comite, arma corripuerat, carceri mancipavit. Obtumultus trium Pontificum, qui Romam mire turbabant, illuc profectus, *Benedicto IX.* *Sylvestro III.* ac *Gregorio V.* depositis, *Suitgerum* Bambergensem Episcopum, cui *Clementis II.* nomen impositum, substituit: Romanos vero conceptis verbis iusjurandum dare coegit, nullum sese amplius Pontificem citra Imperatorium consensum creaturos. Unde *Henricus* porro secundum ordinem successionis *Damasum II.* natione Bavarum, quem quidam Brixiensem, alii Aquilejensem, rursus alii Frisingensem Episcopum fuisse perhibent, *Leonem IX.* Tullensem Episcopum, ex *Dagsburgensibus* Comitibus, & *Victorem II.* quoque *Eichstertensem* Episcopum, cognatum suum, in Sedem Pontificiam evexit. Mortuus est *Henricus A.* 1056. cum vixisset 39. imperasset 17. annos, mœrore animi, ob expeditionem infeliciter adversus *Vandalos* susceptam: cumque eo simul potentia & majestas Germanicorum Cæsarum, quam adversus Pontifices hactenus utcunque salvam conservaverant, concidit. Uxores duas habuit, unam *Gunildam*, *Canuti* Danorum & Anglorum Regis filiam, qua sine liberis mortua, aut, ceu quibusdam placet, ob adulterii suspicionem repudiata, duxit alteram, *Aguetem*, *Wilhelmi* Pictaviensium Comitum filiam, e qua præter *Henricum IV.* filias tres insuper suscepit.

X.

Henrico III. e vivis sublato *HENRICUS IV.* filius, puer adhuc sexennis, & cui pater vivus de successione prospexerat, fuit surrogatus. Qui, cum ob teneram ætatem, tantæ moli impar esset, *Agnes* mater, foemina prudentissima,

vices ejus tamdiu peregit, donec Statibus Germaniæ, mulieris imperium averfantibus, ipse Henricus anno ætatis 14. habenas Imperii tractare cœpit. Multa, & gravissima bella gessit, in quæ plerumque malitia Pontificum fuit coniectus, qui id unice fategebant, ut Sedis Romanæ dignitatem autoritatemque vindicarent. Hinc *Saxones* ad rebellionem concitati, *Anti-Cæsares* multi creati, & nihil non in detrimentum Imperii, & incrementum Sedis Romanæ rentatum ac susceptum est. Sic *Rudolphus Sævus*, & *Hermannus Luzelburgicus*, a *Gregorio VII. Conradus*, Henrici primogenitus, ab *Urbano II.* Augusti appellati, & in Henricum, novo, nec audito prius inter Germanos Imperatores exemplo, diris omnibus devotum, concitati sunt; quorum impetum tamen fortissimus Imperator mascule sustinuit, & ut potuit, repressit. Aliquando tamen cedere coactus fuit, estque, etsi fœdum, memorabile tamen dictu, quod a *Gregorio VII. Hildebrando*, excommunicatus, Pontificem illum, apud *Mathilden* in Canusina arce morantem, supplex & humilis deprecator adivit, & ægre, nec nisi intercedentibus Italiæ Principibus admissus, duriter ac contumeliose tractatus est. Quippe, cum regio deposito cultu, sine comite, intra secundum murorum ambitum, nudis pedibus, sæviente hyeme, a mane usque ad vesperam jejunos, per universum triduum sententiam Pontificis præstolatus fuisset, quarto demum die receptus, truci tetricoque Hildebrandi vultu, his conditionibus ab anathemate absolvebatur, ut evocatis ad Comitium Principibus Teutonicis, die locoque quem Papa præfixisset, ad ejus arbitrium, vel retineat regnum, vel amittat, interea temporis nihil pro Rege agat, cultuque omni regio abstineat. Ad ultimum, plane Paparum insidiis & machinationibus Henricus succubuit, quando *Paschalis II. Henricum* filium, natu mi-

tu minorem, in eum concitavit, a quo infelix Pater, per tres Episcopos. Moguntinum, Coloniensem, & Vormatiensem imperio violenter exutus, atque ad eam egestatem redactus est, ut a Vormatiensi Episcopo Ecclesiasticam, præbendam flebiliter petierit, nec tamen impetraverit. Obiit tandem ex mœrore Leodii A. C. 1106. regnavitque annos 50. nec vel post mortem rabiem Pontificum effugere potuit, quinque annis sepultura prohibitus. Conjuges habuit *Bertam & Praxedem.*

XI.

HENRICUS V. imperium, quod per injuriam sibi paraverat, parum lætum habuit, ab illis ipsis etiam, quibus gratificatus fuerat, vehementer divexatus. Non enim, tantum contra Polonos, quibus *Boleslaus*, & contra Saxones, quibus *Lotharius* præerant, infelicissime rem gessit; verum a *Paschale II.* & *Gelasio II.* quoque, quod jure suo, hoc est Episcoporum investitura cedere nollet, excommunicatus fuit. Equidem restitit Henricus, & Gelasium Papam, Pontificatu dejectum urbe expulit, *Mauritio Burdino* Hispano, Braccarensi Episcopo, in locum surrogato, sed nihil promovit. Nam *Calixtus II.* a Romanis electus Pontifex, *Burdinum*, qui *Gregorius VIII.* audire voluit, pelle ursi contentum, camelo averso, cujus caudam pro fræno tenebat, imposuit, & per ludibrium sic circumductum, in Cassinenſe cœnobium relegavit. Ipse adeo Imperator, a Calixto coactus A. C. 1122. in Comitibus Würtzburgensibus Episcoporum Abbatumque designationi, & per baculum annulumque investituræ renunciavit, æterno cum Majestatis Imperatoris dedecore pariter ac detrimento: nec aliud ei relictum, quam electis Episcopis per Sceptrum Regalia conferendi facultas. Quarto post anno, Trajectum profectus, in morbum incidit, quo extinctus est cum annis 19. imperasset, deces-

fitque nulla relicta prole mascula, filiam tamen ex *Mathilde*, Henrici Angliæ Regis filia, cui maternum nomen impositum fuit, sustulit.

XII.

Vacuum Henrici morte Germanorum Imperium, in *LOTHARIUM II.* qui *Gebhardo* Comite in Supplenburg genitus, Henrico V. contra Patrem adhæserat, ab eoque navatæ operæ præmium, Saxoniam universam consequutus fuerat, transfertur. Atenim huic controversiam moverunt *Conradus* Franconix, & *Henricus* Sueviæ Duces, ex Henrici Sorore prognati, Imperium hæreditario quasi jure vindicare volentes. Inter hos *Conradus* a sua factione Rex creatus, redactis præcipuis Imperii urbibus in potestatem, ivit in Italiam, & occupata Lombardia, Mediolani ab Episcopo consecratus est. Verum, ab *Honorio* Pontifice anathemate repulsus, in Germaniam revertitur, & abjecta spe Imperii, per *S. Bernhardum* Clarævallensem Abbatem, ipse, fraterque, Imperatori fuerunt reconciliati. Cæterum, *Lotharius* bis in Italiam profectus est, semel ad compescendos motus, quos *Anacletus II.* Antipapa, *Innocentio II.* ejecto concitarat, deinde contra *Rogertum* Siculum, Campaniam & Apuliam injuste possidentem, quem Italia expulit. In hac expeditione, reperit Imperator *Pandectarum* Juris Civilis vetus volumen, quod ipse Pisanis, pro præstita sibi in hoc bello opera, donavit. Is liber, postea A.C. 1406. Pisis a *Gino Caponio* Florentinorum Duce in potestatem redactis, Florentiam translatus, etiamnum inter cimelia Medicea asservatur, & nomine *Pandectarum Florentinarum* est famosissimus, atque ex eo tanquam archetypo, omnia nostra exemplaria manasse, non sine ratione Viri Eruditi conjiciunt. *Lotharius* victor, ex Italia rediturus in Germani.

maniam, morbo in Tridentina valle correptus A. C. 1137. Imperii vero 12. animam exhalavit, nec filium habuit superstitem. Nam *Lotharius*, quem ei præter filias duas Uxor *Richisa*, *Henrici Pinguis*, Comitis Northemii filia pepererat, infans mortuus est.

XIII.

Defuncto Lothario, certissimam Imperii potiundi spem conceperat Gener, *Henricus Superbus* Saxoniae & Bavariae Dux, sed, in Comitibus Confluentiae Imperator creatur CONRADUS III. *Friderici* Sueviae Ducis, ex *Agneta*, filia Henrici IV. Imperatoris, filius. Hinc acerrimum odium, inter Conradum & Henricum Superbum ortum, atque cum Henricus molestus esse non desineret, Conradus eum proscribit, & Saxoniam *Alberto Urso* Marchioni Brandenburgensi, Bavoriam vero *Leopoldo Austriaco*, fratri uterino, concessit, unde in tantum mœrorem Henricus fuit conjectus, ut is vitæ finem illi attulerit. Leopoldum, *Guelfus* Henrici Superbi frater, Bavariae ducatu iterum exiit, unde gravissimum bellum oriri cœpit, in quo Guelfus victus, & in arce *Weinsberg* obsessus, Matronarum viros succollantium astu æque ac pietate, gratiam Cæsaris impetravit. Ex hoc bello *Guelforum* & *Gibellinorum*, famosissimarum deinde in Italia factionum cognomina, & quorum memoria in hunc usque diem perdurat, orta esse, communis fert opinio, etsi quidam in diversa abeunt. Haud multo post *S. Bernardi* suasu, Conradus, una cum *Ludovico Francia* Rege, expeditionem in Syriam suscepit, qua non tantum nihil memorabile gestum est, sed & universus exercitus, octoginta millia hominum exsuperans, perfidia *Immanuelis Comneni* Byzantini Imperatoris, consumtus fuit. Sic, nullo operæ pretio facto, in Germaniam reversus Conradus, in morbum incidit, diemque A. C. 1152. cum 14. annos Imperium ad-

um administrasset, Bambergæ obiit supremum, non sine veneni suspitione. Uxorem duxerat *Gertrudem*, Comitis Sultzbachii Filiam.

XIV.

Post extinctum Conradum, hujus neglecto filio, filium ex fratre FRIDERICUM, Sueviæ Ducem, qui obbarbitum rufum, *Ahenobarbus*, Italis *Barbarossa* dictus est, Proceres Germaniæ magno consensu Imperatorem fecerunt. Hic, in Italiam profectus, ut coronam ab *Adriano IV.* Pontifice acciperet, cum equum conscendere volenti Papæ, stapedam dextram pro sinistra ministrasset, tam male is error habuit Pontificem, ut coronationem denegaret, & vix multis precibus ad eam impertendam induci se pateretur. Inde, Germaniam repetens Fridericus, in Comitibus Ratisponensibus *Ladislauum* Bohemiæ Ducem, Regem creat, dato ipsi pro insigni, Leone albo, cum cauda bifurca. Bavaros quoque & Austriacos dissentientes composuit, atque *Henricum* Austriæ Marchionem, Ducali ornavit dignitate. Sequuta est *Mediolanensis* rebellio, faces admovente Pontifice, cui mox musca, quæ, in ore diducto bibentis fauces sese ingesserat, exitium attulit. Dehinc *Alexander III* prius *Rolandus* dictus, Senensis, & *Victor IV.* alias *Octavianus de Monticello*, de Pontificatu infestis animis inter sese decertarunt: Fridericus vero Cæsar, posteriorem sua autoritate comprobatur, Alexandrum vitio creatum pronuncians, urbemque Mediolanum solo æquat, sumto de barbarum autoribus supplicio. Ibi Alexander, in Galliam profugiens, habita in Claramonte Synodo, Imperatorem cum Victore Papa anathemati devovet. Interim Romani, mortuo Victore, quia aberat Cæsar, Alexandrum revocant. Is *Venetos* adversus Cæsarem concitat, quibus

quibus Mediolanenſes exules ſeſe junxerunt , & urbem repararunt. Ergo, repetit Italiam Fridericus, & urbe Roma capta, *Calixtum III.* creat Pontificem , in quo tumultu, Alexander Papa, cuſtodibus habito nautico deceptis, Venetias evaſit. Fugientem proſequutus eſt *Otto* Imperatoris filius, cum 75. longis navibus, cui ad Iſtriæ oram *Sebaſtianus Zani*, cum Veneta claſſe poſtquam occuriſſet , Otto infeliciter pugnans, victus, & captivus Venetias perductus fuit. Fridericus, ob Filii amorem pacem fecit cum Pontifice, & Venetias proſectus, abſolutionem excommunicationis ab illo humiliter deprecatus eſt, Calixtus ſua ſponte Pontificatu ſe abdicavit. Idem Fridericus Imperator, *Henricum Leonem* Ducem Saxoniz & Bavariæ, qui in Germania motus concitaverat, proſcripſit, Saxoniam in *Bernhardum Anhaltinum*, *Alberti Urfi* filium , Bavariam in *Ottonem Wittelsbachium* translata. His actis, cum Germaniz & Italiæ rebus ſatis conſultum eſſe judicaſſet Cæſar, in Aſiam adverſus *Saladinum*, *Ægypti* Sultanum, qui magno ſucceſſu in Syria bella gerebat, ſuſcepit expeditionem , eumque feliciter repreſſit. Sed, quadam die, labore & æſtu defatigatus, cum *Tharſi* in flumen Cydnum lavandi cauſa ſe abjeciſſet, alii eum vorticibus abreptum periſſe , alii, ex frigore, in hepatis morbum inciſiſſe, atque iſta ægritudine intra paucos dies ſublatum eſſe, perhibent. Factum id A. C. 1190. Imperii Friderici 38. Reliquit ex Coniuge *Beatrice* , filia *Reginaldi* Comitis Veſontionis, ſuſceptos filios quinque , *Henricum*, *Fridericum*, *Ottonem*, *Conradum*, & *Philippum* , quorum primo & poſtremo Imperialis obtigit dignitas.

XV.

Enim vero, hic Digreſſionem facere ratio flagitat, quando aurem aliquis vellere nobis videtur, percontarique: Ehem! an nihil amplius inter Cæſarem Fridericum , & Alexandrum

C

drum

drum Pontificem Venetiis gestum est, & an sola illa humili (cujus mentio injecta,) deprecatione satisfactum sibi Papa censuit, nihilque gravius statuit in Imperatorem ? Atqui, sic traditum habetur, Papam, supplicibus precibus in vestibulo templi S. Marci coram sese prostrati Imperatoris, ne utquam fuisse contentū, sed vero jacentis collum pede insuper presfisse, & addidisse illud Psalmographi: *Super aspidem & basiliscum ambulabis, & conculcabis leonem & draconem.* Cumque rei indignitate commotus Imperator, *Non tibi, sed Petro,* respondisset; subjecisse Pontificem: *Et mihi, & Petro.* Agnoscimus, hunc vindice dignum nodum esse, atque difficili, & prope ancipiti controversiæ, qua quidam illud vere evenisse contendunt, alii omnem rem, quod dici solet, gerris germanis, ac anilibus commentis annumerant, in utramque partem argumenta lenocinantur. Negantium, id factum opinionem, præter alios copiose eruditeque in Observationibus ad Synopsis Besoldi p. 663. seqq. defendit, uti diffusæ raræque doctrinæ, ita & Clarissimi Nominis Vir, Antecessor noster, *Christophorus Adamus Rupertus*, tantamque speciem ei conciliavit, ut nulla de veritate relicta videatur dubitandi ratio, unde multos reperit adstipulatores. Nobis tamen, si eloqui licet, quod in pectore clausum gerimus, restant aliqui scrupuli, qui nos male habent, nec assensum præbere permittunt. Proinde, malum *ἐπὶ*, ita tamen, ut non dissimulemus, nostrum, qui in dubio est, animum, fortius impelli in partem oppositam, quæ, quicquid est illius narrationis, pro vero certoque amplectitur. Id, ne temere nos, & sine causa sic dixisse quis arbitretur, nostræ hæsitacionis, & a Doctissimo quondam Viro, (quem, eate.

cæteroquin, prout de Academia nostra, omniq; Republica Literaria meritis est, serio suspicimus veneramurque) dis-
fensus, momenta allegare oportet. Atque principio, præ-
ter ea testimonia, quæ tuendæ Historiæ istius causa, ex
Ouvone Ravennatense Presbytero; *Jacobo Philippo Foresto, Berga-*
mensi monacho; *Angelo Politiano*, *Johanne Naclero*, *Johanne*
Stella, *Paulo Fovio*, *Marco Antonio Sabellico*, *Petro Justiniano*,
Papyrio Massonio, *Funccio*, *Raphaële Volaterrano*, *Joh. Baptista*
Egnatto, *Francisco Sansevino*, *Alphonso Ciacono*, alii pridem
ante nos ediderunt, & ideo repetere supervacuum foret, duo
insuper nobis peculiariter observata sunt, a nemine Nostra-
tiû, quod sciamus, hætenus producta, & quæ, si non ἀναμίσ-
βιτήτως καὶ ὁμολογημένως negotium conficiunt, (quod ea mi-
nime præstare haud gravatim agnoscimus,) recitari nihilo
secius, & reliquis accenseri merentur, ut numerum faciant.
Alterum est Itali Poëtæ, cui *Brandimarte Franconi* nomen
fuit: Is, in vernaculo carmine, quod de Historia Papæ Ale-
xandri III. & Friderici Barbarossæ Imperatoris extat, inter
alia, sic cecinit:

Viene l'Imperador e'l suo Figliuolo,
Ed altri molti che fanno uno stuolo,
Il Santo Padre fece apparecchiare,
Come se hauesse voluto dir Messa,
Una cattedra, e si fece portare,
A la porta de San Marco, e sopra di essa
Con ordine si misse ad aspettare,
La Cesarea Maestade, e che con essa
Venisse Ottone, e Federico inante
Comparsè con di se degno sembiante.
Con humiltà poscia si gittò in terra,

C 2

E' PA-

*El Papa il piè gli porse e passò via,
E con la bocca assai parlar differrà,
Il qual rimane ne la penna mia.*

Id est:

*Adventat Imperator, ejusq; Filius,
Aliq; multi, stipationem facientes.
Ibi Sanctus Pater apparare jussit,
Quasi Missam dicere vellet,
Cathedram, eog; se deferri curat,
Ad fores S. Marci, illam
Decore conscendens, atq; sic expectans
Caesaream Majestatem, & ut cum ipsa
Veniret Otto. Et vero, Fridericus, primus
Comparuit, cum se digno corporis gestu.
Postea humiliter se abjecit in terram,
Papa vero pedem illi porrexit, abiitq;
Os satis superq; ad loquendum adaperiens,
Qua intra penam meam remanere velim.*

Alterum testimonium, Judæus homo suppeditat, quem
etsi alioqui, causam orare leges non finunt, neque
testimonii dictio est, hoc tamen loco juvat illum audi-
re. Prodeat igitur in medium R. David Gans, & repetat,
dicta in parte secunda (quam nunquam sibi visam
Seldenus haud uno loco queritur) Zemach p. 77. b.

אוטא בן הקיסר נתפש משבעכסטיאן דוכס וראש
העיר וינציארה ויוליכוהו לוניציארה אל האפיפיור
אלכסנדר והאפיפיור לא רצה לחן את בנו לפדות
לז במחיר כסף רב עד שהוצרך הקיסר לבז
לוניציארה

לונציארה, לכרוע ולפול ארצה לפני האפיפיור
בבית עבודתם הנקרא מרקום לבו ולחרפה
לעיני כל העמים ודרך והלך האפיפיור ברגליו
על גב הקיסר ועל בנו ואמר על שחל ופתן
תדרוך תרמס כפיר ותנין אחר זה שלחם בשלום:

Id est: Otto, filius Caesaris, captus fuit a Sebastiano Duce, & Principe
urbis Venetae. Deductus itaq; est Venetias, ad Alexandrum Papam,
atq; Papa noluit Imperatori copiam redimendi filii facere, etiam si
pretium ingens argenti offerret. Quare coactus est Imperator pe-
tere Venetias, & sese turpiter & ignominiose coram Papa incurva-
re, procidereq; in terram, in ade sacra illorum, quae Marci vocatur,
inspectante omni populo. Ibi calcarvit, ambulavitq; pedibus suis Pon-
tifex super tergo Caesaris filiiq; ejus, simul enunciando: Super aspidē
& basiliscum ambulabis, & conculcabis leonem & draco-
nem. Postea dimisit eos in pace. Sed, haec levia quis reputare po-
test, & ipsi facile animo praecipimus, ea, quae possunt objici.
Neque vero est, ut in illorum testimoniorum autoritate ad-
struenda, multum studii & operæ impendamus, his enim
causam nostram minime superstruimus, suntque plura
longe, ex quibus firmamentum & vires accipit. Credimus
nimirum, *Johanni Francisco Loredano*, Viro, & Se-
natoria in urbe Veneta dignitate, & literarum gloria, no-
stro aeo Illustrissimo, in libello de vita Alexandri III. serio
nobis asseveranti, infinitos propemodum extare antiquos
Autores, qui historiam de calcato Friderico in literas retu-
lerint, & credimus citra haesitationem. Nam, dubitantes
de suae assertionis fide, *Bardum*, *Frangipanium*, &
Olmum inspicere jubet, qui multorum dicta congesse-
runt. Non potuit igitur in hac re mendacium nobis dice-
re tantus Vir, & ad ipsos Autores, qui typis excusi publice

prostant, falso provocare: quam turpiter ne se daret vilissimus quidem mortalium, & qui omnem frontem cum pudore jamifit. Ipse Rupertus, in hac causa, non leve esse, pronunciat, quod ad Bibliothecam Vaticanam Baronius provocavit, ac tot iudicibus obnoxium se fecit, quot Italîs, Germanis, Gallis, ad hunc usq; diem insignis illa Bibliotheca patuit. Quanto igitur magis æstimandum est, quod Venetus Senator, & is quidem, integritate morum, sapientia, & tot elegantis ingenii editis monumentis, si quis alius, hac nostra ætate celebratissimus, libros, non scriniis inclusos, & ægre (nota prædicamus) in conspectum hominum prodeunt, sed, qui impressi habentur, testes citat, atque omnium mortalium qui eos legere & intelligere possunt iudicio, se reddidit obnoxium? Adde, quod ipse adeo Rupertus noster, inaudivisse se fatetur, *Fortunatum Olmum extare, qui rem (hoc est calcationem Friderici) ex monumentis & Archivis revera factam asserat.* Quod autem de nunquam post sollicitam requisitionem viso sibi Scriptore, deinde subjicit, *valde vereri se, ut meliora proferat quam Hieronymus Balbus, (sic excusum est, Bardus legere oportet) quam alii: nemo non animadvertit, ex præiudicio ortam esse sinistram suspensionem, & annon illi suas quis in mentem revocare voces posset, paulo antea emissas: Non sufficit suspicari, ubi de alterius fama agitur, decet scire?* Sane, nec nobis Olmum, Bardum, & Frangipanum, adire in præsentia licet, nec potuit eos nobis rogantibus suppeditare, Illustris Vir, Reipub. Literariæ decus, & nostræ animo carissimus longe Fautor, *Antonius Magliabechius*, Magno Hetruriæ Duci a consiliis, & a custodia Bibliothecæ, qui, in literis demum nudius quintus perlatis, illos aliquem sibi harpagasse queritur, promittens tamen, navaturum se nobis operam benevolentiamque in iis undecunque

cunque conquirendis, nam, in Italia quoque, non sunt ita obvi. Quoad igitur ille nos voti compotes facit, sicque alio die, certi quid solidique magis proferre adjuvat, nos quidem interea temporis nefas nobis esse ducimus, hariolari velle, aliud iis libris contineri, quam ab his proditum est, a quibus visi fuere & perlecti. Quin, si omnino conjecturis locus, hanc, quam æquitas & modestia suggerunt, tantisper proponimus: Videlicet, esse admodum verisimile, quia vel ipsi in Italia de hac historia typis excusi libri, tam rari Alpes transmigrarunt, ut nulla eorum apud nos sit copia, ideo, multa pro vindicanda rei veritate, in Italorum, apud quos hæc gesta sunt, Monumentis, Fastis, Annalibus, Archivis, reperiri, de quibus nemo transalpinorum vel fando quicquam accepit.

Sed vero, non unius tantum Veneti Senatoris nobis subvenit iudicium, quin potius illum, & nos pariter, ejus legentes vestigia, adhuc amplius tuetur, universus Sacer & Augustissimus Senatus, almæ illius & æternæ Reipublicæ. Ad hunc igitur, Loredanum autorem sequuti, reverentur & demississime provocamus, quando illius jussu, omnis Alexandri III. Papæ, & Friderici I. historia, atque inter cætera, illa Imperatorii colli calcatio, jam olim, in ea Palatii Ducalis Aula, ubi Consilium Magnum habetur, extabat depicta, & postquam A. C. 1577. incendio periisset, fuit restituta, ita ut etiamnum omnium oculis conspici queat, nosque ipsi, spectatum simus admissi. Post hanc publicam memoriæ illius consecrationem, scelus fuerit, porro ambigere: nec enim auctoritatem ejus vel tantillum elevat, illud tritum Horatii:

— *Pictoribus atq; Poëtis*

Quidlibet audenat semper fuit aqua potestas:

quod Cardinalis Baronius, qui Tom. XII. Annal. Anno

1177, ex

ret, arb

ret, an rebus ipsis & factis? Atqui, implet Veneta, quam nos
urgemus, pictura, omnes istarum conditionum partes, cum
in nobilissimo Urbis, ipsiusq; Ducalis Palatii loco, quorum-
vis mortalium visui, Patrum jussu exposita, pateat, ejusque,
qui in fumum abiit archetypus, solos quinquaginta & duos
annos, post rei, cujus effigiem ostendit, eventum, fuerit con-
fectus. Sic enim habet vetus, quæ huic subjecta erat, & in-
cendium evasit, Loredano laudata inscriptio:

ANNO DOMINICÆ INCARNATIONIS
MCCXXVIII. JACOBO THEUPOLO DU-
CANTE CÆPTUM FUIT HISTORIAM
ALEXANDRI TERZI HAC IN NOSTRA
AULA AERE PUBLICO DEPINGI.

Quamobrem, cum ista pingerentur Venetiis, innumeri ad-
huc eorum, qui Imperatorem & Papam Venetiis fuerant in-
tuiti, erant superstitēs, quibus glaucoma ob oculos objice-
re, & falsa pro veris supponere, nemo valuisset, imo ne qui-
dem pertentasset. Eam ob causam, sapienter & graviter
scripsit Loredanus: *Che però con poca prudenza si potrebbero
ascriuere a capricci d'un pittore, mentre si trattaua d'un Histo-
ria Sacra, e delle perdite d'un Imperatore. Non haurebbe per-
messò la prudenza di quei primi Padri, che gli scherzi d'un penello
adombrassero la faccia del vero. Se ne sarebbe risentito Federico
Secondo, che capitò tre anni dopo in Venetia, nel vedere in una pit-
tura publica falsamente i biasimi di Federico Barbarossa suo Auo,
e d'Ottone suo Zio. Ma non si scherza, quando si
descrivono Historie, che con una publica iscrip-
tione si dichiarirono per tali.* Id est: Impruden-
ter admodum res libidini pictoris acceptæ feruntur, quando
agitur de Historia Sacra, & cladibus alicujus Imperatoris. Non
permisisset prudentia illorum primorum Patrum, ut ludi penicilli
cujusdam, obumbrarent vultum veritatis. Quæstus ea de re fuisse
Fridericus II. qui triennio post in Venetias appulit, conspiciendo in

D

pictu-

*pietura publica, opprobria falsa Friderici Barbarossa Avisui, & Ot-
ionis sui Patru. Enim vero, nullus jocos locus, quando
describuntur Historia, quas publica Inscriptio tales
declarat.* Haftenus dicta, Cl. Ruperti objectionibus for-
tasse satisfaciunt. At, Baronium Cardinalem, illud insuper
incommodat, quod eadem Historia de calcato Imperatore
Barbarossa, non solum Venetiis, sed & Senis Hetruscis, Ale-
xandri Papæ patria, in templo cathedrali, imo adeo Romæ
in Palatio Vaticano depicta visitur, ut infallibilitas, quam
vocant, Pontificis, cujus decisioni Baronius alicubi philolo-
gicas quoque controversias subjicit, in discrimen veniat, ni-
si cepto desistit, nec hujusmodi sermonem porro alterca-
tur. Scilicet, *Pius IV.* Pontifex (is ipse enim fuit, Justi-
niano & Loredano testibus; atque sic apud Rupertum pag.
680. deleta *Pauli IV.* nomine, rescribendum est) post habi-
tam Congregationem Cardinalium, & multam delibera-
tionem, examenq; sedulum Scriptorum (Loredano autore
hoc dicimus) similem pieturam, Josephi Salviati (*Salviatis*
mendose habet Ruperti editio) nobilissimi artificis manu,
excitavit in Vaticano, & apponi jussit elogium:

ALEXANDER PAPA TERTIUS FEDE-
RICI PRIMI IMPERATORIS IRAM ET
IMPETUM FUGIENS ABDIT SE VENE-
TIIS. COGNITUM ET A SENATU PER-
HONORIFICE SUSCEPTUM, OTHO-
NE IMPERATORIS FILIO NAVALI PRÆ-
LIO A VENETIS VICTO CAPTOQ; FE-
DERICUS PACE FACTA, SUPPLEX A-
DORAT FIDEM ET OBEDIENTIAM
POLLICITUS. ITA PONTIFICI SUA
DIGNITAS VENETÆ REIPUBLICÆ BE-
NEFICIO RESTITUTA. MDLXXVII.

Neque

Neque est, ut, (quod nonneminis factum meminimus) ad-
versus ista quis objiciat, meliora edoctum *Urauum VIII.*

Pontificem, *Barbarinum* gente, nostra memoria delevis-
se hanc picturam, & tectoria calce incrustasse parietem : ut,
contrario, infallibili judicio, tanquam falsa & inepta da-
mnata fuerit. Namque (bona cum venia eorum, qui ha-
ctenus id persuaderi sibi passi sunt, dictum hoc velim) ista
neutiquam evenerunt, & falsus rumor ad nos perlatus est.
Edisseram autem rem omnem, paucis cognitam, prout vere
accidit, est enim oppido digna quæ notetur, quare diligen-
ter & sedulo illam narrabo, atque, ne cui nostra fides suble-
stior videatur, nihil dicam sine teste. Anno hujus Seculi
quinto supra trigesimum, cum lites inter Urbanum Papam
& Rempubicam Venetam exortæ invaluisse, ibi Ponti-
fex, non veritatis amore, sed erga Senatum Populumque
Venetum odio ductus, paulo post Ludovici Contareni, illo-
rum Legati, ex urbe Roma discessum, *Pii IV.* elogium,
Picturæ, de qua agimus, subjectum, quod Venetis nimium
tribuere, illisque Pontificiam Sedem vehementer obnoxi-
am facere videbatur, delere, vel potius corrigere sustinuit.
Nam pro verbis, jam modo recitatis, jussit subscribi:

FEDERICUS IMPERATOR ALEXANDRUM
TERTIUM PONTIFICEM QUEM DIU
INSECTATUS FUERAT POST CONSTI-
TUTAS CUM EO PACIS CONDITIONES
ET DAMNATUM SCHISMA SUPPLEX
ADORAT.

At, in ipsa pictura, nihil mutatum, eademque illius perman-
sit ingenuitas integritasque quæ olim fuerat. Id factum,
cum ad Senatum Venetum perlatus esset, iniquissimo
hoc tulit animo, & actutum, non valedicto prius Pontifice,

Residentem (ceu appellant) qui Romæ remanferat, ex urbe excedere iussit, Nuncium autem Apostolicum, secum morantem, aditu porro prohibuit, diserte testatus, haud unquam rediturum se cum Papa in gratiam, nisi antiqua Inscriptio postliminio restitueretur. Quæ omnia Hieronymus Brusoni in Historia Italica l. 3. pag. 119. his verbis in vernacula fere eloquutus est. *Auendo Urbano dopo la partenza da quella Corte dell' Ambasciatore Luigi Contarini, alterato in Sala Regia l' Elogio, che rappresentava il merito acquistato dalla Republica nella difesa di Papa Alessandro Terzo contro Federico Barbarossa, il Senato altamente commosso da così fatta ingiuria non meno graue che inaspettata, commandò immantenente al Segretario Residente a Roma, di partirsene senza congedo: negò al Nunzio le Udienze di Collegio, e si dichiarò con tutti i Principi, che nessun altro partito o ripiego, l' auerebbe giammai appagato, fuorchè la intiera restituzione del primo Elogio.* Consequuta sunt hoc Pontificis factum, multa convicia, & excepta jactataque publice Pasquini vox, qua dixisse ferebatur: *Quia Urbani erga homines sevities, quo ultra progrediatur non habet, nunc aduersus picturas grassatur, & mox statuas involabit. Quare, va misero mihi! va carissimo Morforio! va ceteris in Urbe signis!* Potuisset idem, argutum illud, ante triennium summo cum applausu prolatum, immutare leviter, novamque gratiam apud omnes inire, exclamando: QUOD NON FECISSENT BARBARI FECERE BARBARINI. In elegantissimo libello, qui *Divortii Cælestis* nomen habet, & *Ferrantem Pallavicinum*, Italorum nostri ævi facundissimum, istiusq; de quo nobis sermo, Urbani Pontificis jussu capite postea plexum, autorem habere fertur, Patri-

Patritius Venetus graviter quoq; de hac Papæ impotentia querens introducitur, estq; operæ pretium, istius audire lamenta, quæ tamen, non vero quo scripta sunt sermone, sed tantum ex Gallica, quam ad manus habemus versione, eaque fortasse minus accurata, edere nobis licet: L' Eglise Romaine à tousjours esté servie de nous, en la maniere, qu'il estoit convenable, a une legitime Espouse de Jesus Christ. Icele neantmoins non seulement par plusieurs fois nous respondant avec peu de reconnaissance, a conjuré nostre ruine, mais encor finalement a voulu chasser de sa maison la memoire des services qui par tant des siecles ont esté exaltez par le veritable recit des historiens, & approuvez par un Eloge public, donné du consentement de tous les Papes precedents. Ce Lion peut malaisement Souffrir de vray qu'on luy conteste ceste gloire qui à tousjours esté l' aliment de ses pensées genereuses: & nous semble fort estrange, que Venize ayant déjà accueilli un Pape fugitif, & l' ayant remis dans son siege qu'il avoit perdu, au detrimement de l' or & du sang de Venize, maintenant les Papes refusent de recevoir en leur propre maison au moins la memoire d' une si grande faueur qu'ils ont receüe. Pourtant la Republique, afin de ne venir par ce seul point a aucune espreuve avec l' Eglise Romaine, consentit qu'on entremist pour leur accommodement l' autorité de la Couronne de France. Mais Urbain VIII estant different d' avec S. Pierre, ne prend pas garde quand il nie la verité a la voix du Coq. Ainsi perseverant en ceste opiniastrété de ne pas mettre à Eloge, se contentant par un fol caprice de prendre pour l' Eglise une glorieuse attestation d' avoir esté servie par les Princes. Ainsi ceste ancienne inscription qu'on voyoit enregistrée au Vatican, par la reconnaissance de l' Eglise, des bienfaits de Venize, que le temps n' a peu aneantir iusqu'à present, les Barberins l' ont finalement mise a neant, parce paravanture que le Barberins ayans banni de Rome toute vertu, il leur fasche de voir la reconnaissance recueillie sous le souvert de leur maison: ou plustost parce que les Barberins ne se tiennent pas obligez pour les services que l' Eglise a receus, en estans plustost les ennemis que les directeurs. Cependant nous n' avons peu si non nous scandalizer avec un ressentiment d' un trait si ingrat, nous consolans neantmoins finalement voyans que la mauuaise vo-

bonté du Pape, ne nous peut apporter pour le present plus de dommage
 que celui qui se fait dans l'estendüe des murs de sa maison.
 Id est: Nos quidem Ecclesia Romana semper illud obsequiū detulimus,
 quod conveniebat legitima Sponsa Jesu Christi. Ipsa nihilo minus,
 cum exigua sepe gratia nobis respondens, non tantum conjuravit
 in nostram perniciem, sed & tandem 2x. adibus suis expulit memo-
 riam benefactorum, quæ per tot secula celebrata sunt veris Histori-
 corum narrationibus, & elogio publico approbata fuere, omnium
 præcedentium Pontificum consensu. At noster Leo, difficulter per-
 ferre potest, ut ei controversia fiat de gloria ista, quæ semper pabu-
 lum fuit honestissimorum illius conatuum: nobisq; vehementer mi-
 rum videtur, quod cum Veneti olim receperimus Papam fugitivum,
 & cum auri sanguinisq; nostri profusione restituerimus in Sedem
 amissam, nunc Pontifices recusent, admittere in proprias ades, sal-
 tem memoriam tanti favoris quem perceperunt. Caterum, Respu-
 blica, ne ob hanc solam causam cum Ecclesia Romana collideretur,
 passa est, ut ad rem componendam, autoritas Regis Gallia intercede-
 ret. Sed Urbanus VIII. aliter longe quam S. Petrus animatus, pa-
 rum referre putat, negare veritatem ad Galli cantum. Sic perse-
 verans in contumacia de non restituendo elogio, stultissime recusat
 Ecclesia nomine acceptare gloriosum testimonium, Principes ei fuisse
 a servitio. Unde antiqua inscriptio, quam ob Veneta benefacta,
 quorum memoriam longa ætas usq; adhuc delere non potuit, Ecclesia
 grata Vaticano inseruerat, deniq; a Barbarinis in nihilum redacta
 est, fortasse, quia, postquam Barbarini omnem virtutem Roma ex-
 pulerunt, agris oculis vident, gratitudinem intra tectum ædium il-
 larum admissam. Aut potius, quia Barbarini minime obligatos se
 credunt, ob servitia Ecclesia præstita, cujus inimici magis sunt, quam
 Directores. Interim, cæptam tam ingratum non potuit non offendi-
 culo nobis esse, nostramq; provocare indignationem; sed solamur nos
 tandem, videndo malevolentiam Papæ, in præsentia haud aliud da-
 mnum asserre nobis posse, præter illud, quod fit in ambitu murorum
 eorundem domicilii. Discimus exinde, ipsum Gallia Regem
 Christianissimum, cum Urbano Papa, apud quem multum
 gratia valebat, egisse, ut picturæ redderetur vetus elogium,
 neque

neque tamen negotium ex voto confecisse. Atque hinc
factum est, ut Senatus Populusque Venetus infensissimo es-
sent erga Pontificem animo. Sed verò, hos, mutato non-
nihil rerum statu, conciliare iterum cupiens Urbanus, An-
no 1639. ultro illuc Legatum ablegat, nomine *Vitellium*,
gratulum Patribus, de insigni victoria, quam anno supe-
riore de Piratis Africanis reportaverant, & rogatum, Lega-
tos Romam mittere dignarentur, quo cum iis consilia,
quæ, in orbis Christiani salutem, Italiæ quietem, & Tur-
corum detrimentum, meditaretur, communicare pos-
set. Nunc, quid porro successerit, malumus referre verbis,
Illustrissimi & Excellentissimi Senatoris Veneti,
BAPTISTÆ NANI, Viri, prudentiæ
incomparabilis, eruditionis eximie, & qui splen-
didissimus in Aula Imperatoris, Gallia, & Hispa-
nia legationibus pridem summa cum laude defun-
ctus, merito Principi, & Senatoribus Collegis, di-
gnus nuper visus est, qui Conventui ad tranquil-
landam & componendam turbatissimam no-
stram Europam, Noviomagi (o utinam Feliciter!)
habendo, Augusta Reipub. nomine destinaretur;
a cuius Summi Viri sapientia, & in rebus gerendis
dexteritate, uti optima quæq; nobis pollicemur, ita
illi, cæterisq; sanctissima autoritatis Legatis, qui ibi-
dem convenient, salutem, & prospera quæq; vove-
mus, Deum supplicibus votis precati, faveat illo-
rum consiliis, intersit deliberationibus, atq; alma
Pacis

Pacis, quam misera Europa unice suspirat, eos faciat Sequestros.

Votum secundet, qui potest, nostrum DEUS.

Cæterum, Laudatissimi Baptista Nani, in nunquam fatis de-
prædicanda Reip. Venetæ Historia, & quæ jure bono, Taciti
Itali cognomen Autori suo promeruit, lib. XII. verba sunt:
*Atali motivi deliberarono i Venetiani d' inviar a Roma un Am-
basciator Straordinario, con incarichi espressi, che solamente ver-
sando in ciò, che riguardava la causa de Turchi, o il maneggio della
Pace di Christianità, s' astenesse de qualunque negotio, che tendesse a
proprii interessi de la Republica, i quali per gli comuni voleua al pre-
sente lasciar da parte, e in sospeso. Giouanni Nani, Procuratore di
San Marco, fù eletto, accioche con certa sua naturale dexterità, e
con prouetta esperienza, acquistata ne' più graui impieghi della Re-
publica, promouesse negotii di tanta importanza. Fu egli dal Pon-
tefice con giubilo accolto, e con honori conspiciui; ma prima, precorso
Federico Cardinale Cornaro, Patriarca di Venetia, andato (com'è
l' obbligo del costume) a limitari degli Apostoli, indusse Urbano a can-
cellare l' inscrizione, da lui posta sotto la memoria d' Alessandro Ter-
zo Pontefice. Non volle però rimettere l' antica, tacitamente
lasciandone al Successore il pensiero, già che aboliva quella, della
quale era stato Autore egli stesso. Il Senato, stimando ciò, in quanto
era un primo passo, necessario alla perfettione dell' Opera, non tra-
lasciò d' esprimersi, niente altro poter contentarlo, che la redintegra-
tione del pristino Elogio. Id est: His inducti rationibus, decreve-
runt Veneti, mittere Romam Legatum extraordinarium, cum man-
dato expresse, ut tantum versando in iis quæ attinent ad causam
Turcarum, aut ad conciliationem pacis in orbe Christiano, abstine-
ret ab omni negotio, tendente ad proprium commodum Reipub. ista
enim in presentia communibus postponi, & in suspensio relinqui vole-
bat. Johannes Nani, Procurator S. Marci electus fuit, qui cum
congenita dexteritate, & provecita prudentia, quam in gravissimis
Reipub. expeditionibus parauerat, tanta arduitate negotium pro-
moveret. Eum Pontifex, cum gaudio & honore insigni excepit. Sed
prius præcurrens Fridericus Cornarus Cardinalis, Patriarcha Vene-
tus; vi-*

tus, visitaturus (uti consuetudinis lex cogit) limina Apostolorum, induxit Urbanum ad delendam Inscriptionem quam memoria Alexandri III. Pontificis subjecerat. Nolebat autem reponere veterem, tacite Successori hanc curam relinquens, quandoquidem eam abolerat, cujus ipse autor extitit. Interim Senatus, probans quidem istud cœptum, tanquam primum gradum, & necessarium ad operis perfectionem, non neglexit tamen testari, in nullare alia se acquieturum, quam in restitutione pristini elogii. Enim vero, ad hanc faciendam, nunquam induci se passus est Urbanus, nec fieri sane id poterat, citra præsentissimum detrimentum autoritatis suæ atque existimationis, cui vel sola deletionem a se suppositæ Inscriptionis, jamdum pessime erat consultum. Mansit itaque sine titulo pictura Alexandri, ad mortem usque Urbani, quam ipse oppetiit, anno hujus seculi quarto supra quadragesimum. Tum succedens in locum *Innocentius X.* ex Pamphilia gente, statim post adeptam potestatem nihil prius fere habuit, quam ut amicitiam veterem, quæ Romanæ Sedi cum Republica Veneta intercesserat, revocaret in usum. Quoniam vero perspectum habebat, id fieri non posse, nisi reparato antiquo Elogio, idcirco sua sponte, antequam rogaretur, illud reddidit, quod, sic redditum, nunc in Vaticano conspicitur, perdurabitque sine dubio in temporum æternitatem. Non pigebit, etiam de hac restitutione, adscribere paulo prolixam narrationem supra nobis laudati Hieronymi Brusoni ex l. 12. Historiæ Italicæ: *Intento poscia Innocenzio a cessare l'occasione de' disgusti, che nudriano i nostri Prencipi con la Sede Apostolica, per le asprezze del passato Pontificato; volle riportare egli solo la gloria della riconciliazione della Republica di Venezia, come che concedesse all' altrui mediazione, o rimettesse all' altrui discussione le soddisfazioni degli altri Prencipi. Trattauasi già buona pezza dal Cardinale di Toscana, e da altri Personaggi, e Ministri quini Residenti, la restituzione dell' Elogio nella Sala Regia.*

E

(dove

(donde era stato cancellato da Papa Urbano) a favore della Repubblica intorno alle occorrenze note di Alessandro III. co' l'fondamento di scritture apocrife, e false, messe in disputa, e sospetto, dallo scrittore degl' Annali Ecclesiastici. E già s' andava divulgando, che douessero esser riportare l' applauso di questo accomodamento, che restituendo questa debita gloria della Repubblica, ridonava alla Corte di Roma la residenza de' suoi Ambasciatori: quando il Papa, non voluto concedere ad altri quel merito, che poteua acquistargli con gli applausi universali l' amore della Repubblica; obligandola a corrispondenza eguale alla grandezza del beneficio; improvvisamente, e di suo proprio moto, restituì al suo luogo l' elogio cancellato da Papa Urbano. Di che peruenuta immantamente la nouella a Venezia, non può dirsi con quanta allegrezza venisse riceuuta da tutti gli Ordini de' Cittadini, vedendo dissipate dalla prudenza del Papa quelle nuuole di mala soddisfazione, che solleuate contra la tranquillità della pace, minacciavano continua tempesta di disgusti, e di turbolenze. Ma il Senato, che non volle mai lasciarsi superare di magnanimità, come non seppe mai cedere di puntiglio ad alcuno; elesse la medesima sera nel Pregadi, Ambasciatore Staordinario a Roma, Angelo Contarini, Caualliere, e Procuratore di S. Marco, per ringraziare il Papa di questa grazia, e chiamato il giorno appresso il Gran Consiglio, vi decretò, non ostante qualunque parte in contrario, la Nobiltà Veneta alla Famiglia Pamfili, nella maniera solita praticarsi co' Pontefici trapassati benemeriti della Repubblica. Auviso che portato al Papa, mentre si trouaua nella Congregatione di Stato, venne da lui riceuuto con lagrime di tenerezza, e con viuue espressioni di stima al merito della Repubblica. Id est: Solicitus deinde Pontifex, de tollendis occasionibus malevolentiae, quam nutribant Principes nostri aduersus Sedem Apostolicam, ob asperitates praeteriti Pontificatus, solus ipse referre volebat gloriam reconciliatae Reip. Venetae, alienae compositioni discussionis, relinquens placamenta ceterorum Principum. Urserant jam diu Cardinalis Tuscus, aliq. Viri Praecipui, Ministriq. ibi commorantes, restitutionem Elogii in aula Regia (Papa Urbanus isthic illud deleuerat) in laudem Reipublicae, circa historiam Alexandri III.

quam

quam fundamentis testimoniorum apocryphorum, falforumq; nixus, in controversiam, & dubium vocaverat *Annalium Ecclesiasticorum Conditor*. Erat jam sparsa fama, hos reportaturos applausum facta pacificationis, ut restituta Reipublica debita gloria, ipsa redderet Romae praesentiam suorum Legatorum. Ibi Papa, non volens aliis concedere meritum, quod cum omnium applausu, Reipubl. amorem ei devincire poterat, eamq; obligare ad gratitudinem magnitudini beneficii aequalem, ex improvviso, & proprio motu, in suum locum restituit Elogium, quod Urbanus Papa oblitteraverat. Ejus rei nunci- us, cum continuo Venetias perlatus esset, dici non potest, quanto gaudio ab omnibus Ordinibus Civium fuerit exceptus, quod viderent Papae prudentia dissipatas querimonie nubeculas, quae, contra pacis tranquillitatem excitatae, perpetuas tempestates agrimoniarum & barbarum minabantur. At Senatus, qui nunquam passus est superari se magnanimitate, prorsus uti nec cuiusquam unquam cessit impotentia, illa ipsa vespere coacto Consilio Centumviginti-virali, destinat Angelum Contarenum Equitem, & S. Marci Procuratorem, Legationi Romam versus extraordinaria, ut pro hac gratia Pontifici ageret gratias, atq; adunato sequenti die Magno Consilio, insuper habitis quae ob stare poterant, Nobilitatis Venetae decus, decernit Familiae Pamphiliae, cum in modum, qui observatus fuerat circa Pontifices praedecessores, de Republica benemeritos. Hac cum Papae dum Congregationi Status interest, renunciarentur, cum lachrymis quas gaudium expresserat, multaq; significatione reverentis erga Rempublicam affectus, illa percepisse dicitur. Ex haecenus allatis patescit, opinionem nostram, qua vere Friderici I. Imperatoris collum ab Alexandro Papa calcatum fuisse credimus, magnis validisque fulciri argumentis, illique & animo & viribus opus esse, si quis eam in terram arietare praesumat. Certe, quae Rupertus noster attulit, nihil officiunt, & hanc ne leviter labefactant quidem. Nam, quod ad *autoritatem Magnorum Virorum*, qui nigro calculo nostram sententiam damnarunt, & ad quam principio Vir

Doctissimus Optimusque provocat, attinet, illa sane percel-
lit nos non nihil, dum talia agnoscimus Nomina, quibus &
publica & privata pietate debemus observantiam, quippe,
sic omnes de Republica Literaria, aliqui de nobis insuper id
promeruerunt. Sed, sat scimus, non ægre ferunt illorum
Manes, si ingenio nostro abundamus, & Sanctissimam Veri-
tatem eminus vereri annitimur, dum ipsi nunc cominus ea
perfruuntur. Possumus etiam post principia hic stare, no-
strosque defensores, qui nostras partes tuentur, ante nos lo-
care, ne nimium nobis metuamus. Siquidem, nostra de cal-
cato Friderico sententia, Patronos itidem habet, Viros,
summæ inter mortales dignitatis, & in divinis humanisque
litteris consummatissimæ doctrinæ. Non est opus Pii IV.
Pontificis, & Augustæ Reipublicæ Venetæ Regalis Senatus,
fidem rursus implorare, sunt nobis insuper præsidio, *Jaco-*
bis Angliæ Rex, in Confutat. Torti fol. penult. & in Tortura
Torti p. 263. B. Lutherus in præfat. libelli Bapstis Trevi Ha-
driani IV. und Alexandri III. gegen Kaysers Friderichen Bar-
barossa geübet / qui extat Tom. 8. Jenens. fol. 230. b. Phi-
lippus Melanchthon in Chronico Carionis l. 4. p. 942. Cen-
turiatores Magdeburgenses Cent. 12. c. 10. p. 1417. Isaac-
cus Casaubonus in Prolegom. Exercitationum adversus Ba-
ronium. Joh. Henr. Hottingerus Parte 3. Hist. Eccl. p. 12. Autor
Fulminis Bruti, quem Franciscum Hotomannum JC.
fuisse accepimus, p. 71. Simon Schardius, JC. in libro de perse-
dia Paparum erga Imperatores. Petrus Bertius l. 2. Comm. rer.
Germ. p. 72 Johannes Cluverus in Epitome Histor. p. 504. &
qui inter primos nominandi erant. Johann. Gerhardus,
in De-

in Dedicatoria part. 1. l. 2. Confess. Cathol. atque *Johannes Saubertius* Pater in libello de Biblioth. Noriberg. Theologi insignes, quos ambos *Rupertus* confutandos sibi sumfit, alterum ex iis, etiam inclementius & contragenium literarum quas profitebatur, tractans, quod factum dolemus. At, alia *Ruperti* argumenta videamus; sic ratiocinatur: *Cuiusq. narrationi*, inquit, *apposita nota*, AIUNT, FAMA EST, FANDO ET ORE VULGIS SALTEM ACCEPIMUS; cauti commemorari potest, ita pro certa & fidei siue approbata, nec accipi potest, nec debet. — At talis est narratio de *Friderico Barbarossa*, quod ex antiquissimo Scriptore probare possum. Affert deinde ad probandum assumptum, præcipue locum *Ouvonis* *Ravennatensis* presbyteri, quem Scriptorem, ævo, quo hæc contigisse dicuntur, proximū vocat, cui *Marci Antonii Sabellici*, *Pauli Jovii*, *Petri Justiniani* & *Francisci Modii*, addit testimonia. *Ouvonis* verba recitat: Quibus pactis, Cardinales iidem, ut injunctum eis fuerat, Imperatorem ad *D. Marci delubrum*, ubi eum Pontifex operiebatur, deduxere; cum ad Pontificem pro foribus templi sedentem accessisset, dejecta ex humero fulgente chlamyde, posito eum genu adoravit. Mox ad pedes prostratus, eosq. exosculatus FERTUR insultanti Pontifici, & propheticum carmen, super aspidem & basiliscum ambulabo, & calcabo leonem & draconem, enuncianti, non Alexandro sed Petro, id tribuere, pervicaci dicto respondisse: Pontificem deinde, & sibi & Petro, cessum ingeminasse; ac tum demum ad complexus mutuos, & par osculum admisisse; contumantibus undiq. omnibus Deo laudem esse deferendam. *Sabellici*, ad quæ provocat, ista sunt: ADDUNT QUIDAM, Pontificem collo *Cæsaris* prostrati pedem imposuisse, cæ-

pisseq, interim Davidicum illud canere: Super aspidem & basiliscum ambulabis! Notum est carmen. Tunc Fridericum ingentes alentem spiritus, dixisse: Non tibi, sed Petro! cui Alexander irato similis, impressa fortius planta, & mihi & Petro! responderit. Ferunt dominica assensionis die id factum. Pauli Jovii istud adducit: Itaq, pacificatore Ziano, Venetorum Principe, Imperatorem ad pedes suppliciter projectum Pontifex praeforibus Marciani templi rite expiavit, in gratiamq, recepit. TRADUNT SCRIPTORES, Pontificem antea clae calamitatis suae memorem, osculantipodem, contracta fronte, hoc Davidicum carmen protulisse: Super aspidem & basiliscum ambulabis, & conculcabis leonem & draconem! ut domita superbi animi ferociae nequaquam humaniter illuderet; ad quod Caesar tam pie, quam graviter, renidenti vultu responderit: Non tibi sed Petro. Petri Justiniani sequentia inculcat: Alexander autem Friderici collo planta supposita, Davidicum illud protulisse DICITUR. Denique, ex Francisco Modio laudat verba: ADDUNT QUIDAM, Pontificem, quasi ita illum expiaturum collo ipsius prostrati pedem imposuisse, cepisseq, interim Davidicum illud canere.

Ratio postulat, ab iis testimoniis, quæ Ruperti thesin defendere debent, segregare ante omnia *Pauli Jovii* dictum, quod notam dubitationis minime appositâ habet. Nec enim profecto ipse Rupertus rō **TRADUNT SCRIPTORES**, pro tali signo, ratiocinio ausus est inferere. Fuerint itaque indicia hæsitationis, formulæ istæ sermonis: **AIUNT, FAMA EST, FANDO, ET TORE VULGI SALTEM ACCEPIMUS**, sed, ab istis nimium differt Jovii locutio, quam nos, ex contrariorum lege, certitudinis notam esse contendimus, dum illas, a Ruperto allatas, dubitationis suspensionem præbere fatebimur. Nam, iis, quæ *ajunt*

in tri-

in trivis, quæ sola fama, aut fando, ac ore vulgi saltem accepimus, illa, quæ Scriptores tradunt, ex adverso solemus opponere, ut pari passu isthæc ambulare, & pro iisdem accipi nequeant. Tum demum, fuisset aliquod momentum in Jovii loquela, si illud, *tradunt Scriptores*, excepisset formula, *penes quos fides erit*, vel alia æquipollens: nam, sic aurem vellere nobis licebat, meminisse illorum Senecæ l. 4. Nat. Quæst. *Quod Historici faciunt, & ipse faciam. Illi, cum multa mentiti sunt ad arbitrium suum, unam aliquam rem nolunt spondere, sed adjiciunt: Penes auctores fides erit.* Omnino igitur Rupertus aliter argumentum nectit, aliter probationes affert, quoniam nemo unus Scriptorum ab eo laudatorum, illas adhibuit expressiones, de quibus est in argumentatione. Proinde, nihil quicquam Jovius Ruperto, favet, & si faveret, in promptu erat eum repellere, tum quod fides ejus apud cordatos judices, Justum Lipsum in notis ad l. 1. pol. cap. 9. Gerhardum Johannem Vossium c. 9. Artis Histor. & Bodinum in Meth. Histor. c. 4. summopere laborat, tum maxime, quod Scriptor recens est, & in controversia de re multis ante ejus ætatem seculis gesta, testis munere nequicquam fungitur. Valeat hoc postremum, ad excludendum similiter *Franciscum Modium*, Jovio, A. C. 1552. defuncto, multo etiam juniorem, quippe qui Patrum nostrorum memoria vixit, & A. C. 1597. diem obiit supremum. Quod si vero ullum, vel leviculum momentum, inest incertitudinis notæ, quam Modius in narratione de calcato Friderico Barbarossa appinxit, nos quidem jure meritissimo adversus illum educemus, antiquiores longe, *Jacobum Philippum Forestum Bergomensen monachum, Ordinis S. Augustini, in Supplem. Chronicorum; Angelum Politianum, in Oratione Clarorum Virorum ad Alexandrum VI. Johannem Naclerum Chron. volum. III.*
gene-

generatione 40. f. 235. *Johannem Stellam Sacerdotem Venetum*,
 qui vitas CCXXX. Summorum Pontificum dedicavit *Dominico*
Grimanno, Patriarcha Aquilejensi; quos serio, nude, & simplici-
 ter calcationem asseverare, ipse Rupertus non dissimulat.
 Sic soli supersunt, *Ouvo Ravennas Presbyter*, & *Marcus Anto-*
ninus Coccius Sabellius, ac *Petrus Justinianus*, qui nobis obsta-
 re videntur, & cum quibus qualibet conditione transigere
 oportet. Nam, si *Ouvo*, Scriptor *Friderici* ævo proximus; si
Sabellius, qui, *Veronæ* agens, ex veterum, uti ipse in Præfa-
 tione loquitur, *annalium & Commentariorum perplexitate*,
Historiam Venetam ab Urbe Condita contexuit, & ad sua
 usque tempora productam, *Venetiarum Principi & Sena-*
tui inscripsit; si denique *Petrus Justinianus*, *Patritius* ac *Se-*
nator Venetus, de veritate calcationis ab *Alexandro Papa*
 factæ, dubitarunt, & rem omnem in medio suspensam re-
 linquunt, non negamus, facere id quodammodo ad scrupu-
 lum injiciendum. At vero, *Ouvonem* (quem infra *Ruper-*
tus Ononem alias vocari perhibet) quod concernit, fatebi-
 mur ingenue, judicium de illo nos ferre non posse, quando
 quis fuerit, juxta scimus cum ignarissimis. Neque tantopere
 id nobis vitio verti debet, qui curtam & tenuem nostram
 suppellectilem libenter agnoscimus, cum ipse *Vossius* va-
 stissimæ lectionis & πολυμαθέστατος Vir, hunc *Ouvonem* igno-
 rarit, nec ullam ejus in *Commentariis* de *Historicis Latinis*
 injecerit mentionem. Claruit sane inter *Historicos* aliquis
Ouvo sive *Onno*, *Frisius*, *Monachus* in cœnobio *Fontanellæ*:
 sed is, extremis *Justiani Junioris* temporibus vixisse depre-
 henditur. Alium *Ouvonem* & qui ad *Friderici Barbaros-*
sæ, vel sequens proxime ævum pertineat, non recordamur
 a quoquam, præterquam solo *Ruperto*, memorari. Unde
 suspicati sumus, *Ouvonis* illud nomen, apud *Rupertum* for-
 sitan corruptū esse, & pro *Ouvone*, *Obbonem* legi debere.

Et si

Et si enim nec Obbonem Historicum agnoscit Vossius, floruisse tamen aliquem isto nomine insignitum circa Federici tempora, atque adeo descripsisse hunc accurate, infelicem Imperatoris adversus Venetos expeditionem, Sabellius nos docet, apud quem legimus: *Ferunt Pontificem ipsum (Alexandrum III.) cum Ducem (Venetum Ciani) literas ad Federicum, de fide Legatis habenda, cera obsignantem conspexisset: In Ciani & aliorum gratiam mandasse, ut Ducaria deinceps litera plumbo munirentur: quem observationis usum, ad hunc diem servari non ignoramus. Obbo, quem cum codicis unde hac accepimus vetustate, tum quia omnia quæ eo bello accidere diligenter perscripsit, tempestate illa fuisse suspicari libet, duplici ait Venetos Principes ad eam diem signandi forma usos fuisse: ut publica monumenta plumbo, Epistolas ac reliquos libellos cera communirent: sed, tum primum Alexandro autore receptum, ut in his quoque plumbo illi uterentur.* Fieri potest, ut apud istum Obbonem habeantur, quæ Rupertus tanquam ab Ouvone Ravennatense accepta, protulit, nisi malimus dicere, aliquem Auditorum, qui ex ore dictantis illas Observationes Befoldianas excepit, & cujus exemplar typographus in impressione sequutus est, non satis recte perceptum nomen ita depravasse. Nihil tamen definimus, quia libro destituimur, unde nec solidi quid afferre licet, quod ad addendam vel demendam isti testimonio fidem, multum faciat. Est interim certum, illas quæ dubitationem videntur involvere locutiones, non semper vere hanc innuere, & crebro, *Fertur, Ajunt, Dicunt, Addunt quidam*, dicere Scriptores, etiam in re de qua minime ambigebant. Observarunt Theologi, & inter reliquos B. Glassius noster l. 3. Philolog. Sac. tract. 5. can. 25. ne in Sacris quidem Literis, ubi tamen mentis & linguæ opifex loquitur, & ita loquitur, ut ab omnibus promiscue intelligi velit, *Dubitandi ad verba non semper incertitudinem directe importare, sed vel rei difficultatem exprimere, vel propter ali-*

am rationem emphatice adhiberi; ut mirum esse non debeat, si profani Scriptores, simili loquendi modo, qui ad incertitudinem ex sese spectat, saepe præ modestia, alias ad invidiam declinandam, nonnunquam solius elegantiae, connexionis, aut transitionis causa, in re & verissima & manifestissima utuntur. Licebat multa in hanc rem afferre, sed, quia modus servandus, haud evagabimur extra limites, & a Sabellico ac Petro Justiniano, quos suæ causæ patronos citat Rupertus, & in dubitantium numerum refert, haud discedemus. Non urgebimus operose, illam, quam Rupertus vult, incertitudinis notam, Petrum Justinianum, minime toti de calcatione Friderici historiae, sed tantum verbis quæ Alexandrum Papam enunciasse perhibent, addidisse, ait enim: *Alexander autem Friderici collo planta superposita, Davidicum illud protulisse dicitur*: ut jam, si proba sit & demonstrativa Ruperti ratio, nihil ultra sequatur, quam vocasse in dubium Petrum Justinianum Davidica verba protulerit Pontifex, relinquatur nihilo minus eadem opera, illum pro comperto habuisse, quod ipsa acciderit calcatio. Ast, hæc levia sunt, quin potius probatum dabimus, illud Sabellici *Addunt quidam*, & Petri Justiniani *Dicitur*, nihil minus quam eorum in hac historia describenda dubitationem arguere, nec posse istam mentem illis tribui, citra gravem & manifestissimam injuriam. Prorsus enim, quasi animo præsensissent, futuros, qui sua dicta sequius essent interpretaturi, & hæitationis cujusdam sese insimulaturi, solemniter gravissimæque hanc a se suspicionem amotam voluerunt protestatione. Nimirum Sabellicus, postquam omnem de Victoria Venetorum ab Ottone reportata, de calcatione a Friderico passa, & de privilegiis Ciano ab Alexandro concessis, absolvisset narrationem, postremo subjungit: *Hæc sunt,*
quæ

qua a domesticis & externis Scriptoribus, de inclita Venetorum victoria adversus Othonem Federici filium accepi: De qua ne aliquo modo scribere dubitarem, praeter alia multa, quae quantumvis amplam arguere possunt victoriam, illud quoque me vehementer admonuit, quod Veneti illi, qui multis retro annis fuere, rem omnem, ut gesta est, in publicum referendam censuere. Tot a ipsius belli series figurata est in ea parte fori ubi octavo quoque die ad creandos magistratus comitia habentur. Pariratione sibi cavit Petrus Justinianus, dum sequentibus clauditeam, de qua agimus, historiam: Caterum non desunt, qui affirmant, fuisse insignia illa (Ducis Veneti, umbellam puta, argenteas tubas octo, totidemque diversi coloris vexilla,) aliunde quasita, victoriaeque huius successum diversum ab eo, qui a nobis traditus est, enarrant: sed, id Veneti Annales habent: confirmatque hoc idem figuratio illa in comitiis totius rei gesta. Nisi enim res eo modo, quo secuta, & a nobis relata est, veritatem contineret, non utique Prisci illi Veneti, modestia pleni, tam imprudenter eam Historiam in publicum referendam censuissent. Adde, quod ejusdem rei schema Senensi in urbe ducentesimo & amplius abhinc anno figuratum apparet: id quod multi vidisse affirmant, inquis Matthaeus Dandulus, & Aloysius Mocenicus, Viri Amplissimi, sunt, qui dum e Roma legatione functi, per Etruriam iter facerent, rei gesta seriem publico Senarum atriodepictam inspicere: & ad praesens hoc tempore quo haec scribimus, Pius IV. Pontifex Maximus, Roma in insigni aula a Josepho Salviati, pictore nobilissimo, excellenti opere representandam curavit. Sequitur deinde Elogium, quod supra repraesentavimus, & alia quaedam, ac pergit postea Justinianus. Sed, id Externi Scriptores non ponunt, nec iidem propterea negant. Satis est, quod domestici annales asserant, referant, attestentur, quos sequi debeo, in his praesertim, quae tam vero

similia sunt, ut nihil possit esse, vel magis simile, vel rationi, fideiq, proximum.

Responsum est argumento, quod, ab hæsitantia Scriptorum nexuit Rupertus, examinemus jam huic proxime subjun-ctum enthymema, aut, si quo alio nomine appellandum est, infrequens cæteroquin ratiocinium, quod una sola, & ne ea quidem integra, constat propositione, nec infert conclusio-nem. *Qua Historia, inquit, studius Scriptorum sty-lo haud secus inter se, quam illi gladio decertanti-um, est corrupta.* Non addit alia, ad ipsam argumenta-tionem facientia; nisi quod subjecit: *Quamobrem nihil in verecunde vel petulanter agimus, si famam illius avi, quo scripsit Ouvo, prorsus non admittimus. Et hoc secundum nostrum argu-mentum est.* Quemadmodum autem Ruperti hoc argu-mentum mutilum, quivis facile ex ingenio expleverit; ita tamen non omnibus, illas ingentes, quas in hac historia cum se invicem lites intercedere Scriptoribus Vir Literatissimus innuit, simul animo illico recolere conceditur, atque usus erat, paulo verbosius cum Lectore suo ageret, ac dissidia pro-ferret in aprium. Interim, nihil refragatur, & concedi-mus libentes, in circumstantiis hujus historiæ, hoc est, de loco ubi prælium inter Ottonem & Zanium commissum; de habitu vestium quo Alexander urbem Venetam ingres-sus; de regione ubi Fridericus agebat, cum nuncium infeli-cis cladis captique filii acciperet; de temporis mora quam uterque Venetiis exegit; aliisque ejusmodi, diversos diver-sa tradidisse. Verum, hæc, causæ, ut cum Plinio loquamur, jugulum non petunt, sed talum tantum, tibiam aut pedem. Et, an inveniri potest ulla in universum, ab aliis quam ^{θεογραφου} Scriptoribus in literas relata vetus historia, in qua, mo-do

do a pluribus prodita sit, non circumstantiarum quædam sese offerat varietas? Aut igitur omnis antiquarum rerum delenda memoria, aut accipiendi & mullitandi hercle sunt, isti cum ea nævi. Apposite ad nostram sententiam, quam in alio negotio scripsit Georgius Calixtus libro de Conjug. Cleric. pag. 345. *Si quid in circumstantia una vel altere varietur, imo etiam si falsi nonnihil deprehendatur, propterea veritas ipsius facti non collabitur, nisi pari de causa magnam partem universa historia, & præsertim Pontificia, qua in enarrandis plerisque circumstantiis, ut patria, domo, annis, mensibus, diebus Paparum, nulla alia sub sole incertior, eversum eamus.* Potest etiam ad singulas narrationes haud incommode pertrahi, quod de integris Historiarum libris, non eleganter minus, quam probe monet d. r. Vossius de Arte Histor. cap. 9. *Quacumque de Historicis diximus, ita accipi debent, ut eos etiam homines esse cogitemus; nec statim respuamus, si suspiciamus aliquid se immisceat falsi. Nam, ut paucillum aquæ marinæ, non dico Eridanum, sicut Rhenum, sed ne fluentum quidem, falsum efficere potest: ita nec historia mendax dici debet, cui fabulosi aliquid irrepserit. Imo, nec fieri potest, ut non interdum, fallamur in iis, quæ longissime a memoria nostra sunt remota, præsertim in exterarum gentium rebus.*

Ultimi argumenti vis, quo suam munivit sententiâ Rupertus, in silentio insignium aliquot monumentorum & Scriptorum sita est. Nempe: Dicere Sigoniam, se, quæ post Imperatoris ingressum in Venetorum urbem gesta sunt, omnia referre ita, prout Alexander ipse literis mandarit. At, in ea narratione nihil esse de calcato collo, nihil de Psalmographi verbis. Scribere Baronium, tacere de hac re testes in Bibliotheca Vaticana auctoribus, Auctorem Actorum MSS. Alexandri; ut & Romualdum Archiepiscopum Salernitanum, Longobardico charactere exaratum. Enim vero, quia Celsus J. C. in l. 24. D. de Legibus, Incivile esse pronunciat, nisi tota lege perspecta, una aliqua particula ejus proposita, judicare vel respondere: nolumus magis turpiter nos dare, &, nulla eorum monumentorum quæ Si-

gonius ad manus se habuisse gloriatur, visa parte, quicquam pronunciare: non tamen nos quisquam coget, ut iis foliis plus tribuamus, quam aliis quæ ex adverso stant, sexcentis. Ad illa Baroniana autem quod attinet, non tantum cum B. Gerardo contra excipere conceditur, ab ipso Baronio proditum esse, *Acta illa MSS. non esse integra, sed truncata & sine carere*, ut proinde suppressio cervicis Imperatoris in illa parte potuerit esse annotata, quæ injuria temporis periit. Est enim hæc profecto egregia, nec temere nata conjectura, & ad eam refellendam ac absurditatis convincendam, plus afferendum erat unâ, (quam nos supra meliori jure retorquebamus,) sententiâ: *Non sufficit suspicari ubi de alterius fama agitur, decet scire*. Ostendisset Rupertus, fieri non posse, ut in ea parte qua Codex MS. deficit, illa, de calcatione Imperatorii colli mentio locum inveniret, & tum demum aliquid adversus Gerhardum profecisset. Quod, quia facere neglexit, aut ob libri defectum, nullatenus valuit, stat adhuc opposita conjectura, firmo, ut in reali, pede, nec solo joculario dicto prosternitur. Sed vero, nos amplius, istis, a Baronio ex MSS. Codicibus adductis autoritatibus objicimus, Brusoni, quem supra loquentem introduximus, ore, *apocryphas illas & falsas esse*, autorumque antiquorum nomina mentiri. Si enim id vitii in iis a doctioribus non deprehensum fuisset, non credo hæc propalam disertissimis verbis enunciare audebat homo Italus, in media Italia, adversus Cardinalem insignem, omniumque judicio maximum. Neque dubitaverim, Sigonio æque ac Baronio, Fortunatum Olmum, qui recens est scriptor, & A.C. 1629. librum suum divulgavit, abunde satisfacisse, & ostendisse, quas merces venum exposuissent. Præter hæc urget Rupertus *Bartholomæi*
Plati-

Platina, historia Pontificia, uti vocat, *Suetonii*, de calcato *Fri-*
derico silentium: quod, cui bono fecerit, non liquet. Nam,
 apud *Platinam* nec de praelio inter *Ottonem* & *Zanium*,
 commisso, ulla mentio, quare necesse est, proprium vadimo-
 nium deferat *Rupertus*, & illam pugnam quoq; inficiari oc-
 cipiat, si quid valet *Platinæ* in hac re autoritas. Enim, nos
Platinam parū moramur, & longe minus adhuc, quem de-
 inde allegat, *Gilbertum Genebrardum*, novissimum Scripto-
 rem, & patrum nostrorum memoria, hoc est A. 1597. fato
 defunctum. Addit tandem *Rupertus*: *Ex Germanicis Scri-*
ptoribus qui ante annum 1450. vixerunt, & scripserunt, ne unum
legere memini, qui hoc ad totius Germanicæ nationis
ignominiam pertinens, notaret. At, obsecramus vos,
 Boni Manes *Ruperti* nostri! Annon, quia factum hoc
ad totius Germanicæ nationis ignominiam pertinet,
 ideo verisimile est a Scriptoribus Germanicis fuisse suppres-
 sum? Quid enim? nunquid non multis inesse poterat is ani-
 mus, quo præditus fuit *Rupertus* vester, quatenus in media
Henrici IV. & Gregorii VII. historia, ubi tamen non-
 dum ad calcationem usque processum fuerat, hanc ei vo-
 cem expressit: *Nolo cetera, sunt enim prorsus in-*
digna memoratu. Quanquam, est in universum admo-
 dum debile & infirmum argumentum, quod ab humana
 autoritate negata ducitur, quicquid tandē tergiversetur
Rupertus, nec nobis, itidem uti illi, *Philosophorū* nomine
 digni censentur, qui hanc argumentandi rationem admit-
 terē solent: *Aristoteles lib. VI. Ethicorum non recenset aliquem*
sextum habitum instrumentalem a reliquis distinctum; Ergo ta-
lis non datur: inest enim illi quædam ἀναδυσία. Ex solis
 Scripturis, negative argumenta formamus in dogmaticis,
 quia,

quia, ut nostra faciamus nota Augustini verba l. 2. de Doctr. Christ. cap. 9. *in iis que aperte in Scripturis posita sunt, inveniuntur illa omnia, que continent fidem moresq. vivendi: & illa Hieronymi, in cap. 23. Matth. Quicquid in Scripturis non habet auctoritatem, eadem facilitate contemnitur, qua asseritur.* Sed, extra dogmata sanctæ catholicæ fidei, nullius pretii est argumentum quod e loco testimoniorum per negationem inferitur, ne ex Scripturis quidem formatū, & probamus ista Bellarmini ex l. 2. de Rom. Pont. cap. 8. *Nihil concluditur ex argumentis ab auctoritate negative.* Non enim sequitur, Lucas, Paulus, Seneca, non dicunt Petrum fuisse Romæ, igitur Petrus non fuit Romæ. Non enim isti tres omnia dicere debuerunt, & plus creditur tribus testibus affirmantibus, quam mille nihil dicentibus, modo isti non negent, quod alii affirmant. De reliquo, non negamus, habere interdum aliquod pondus argumentū quod a silentio Autorum petitur. Nimirum, illud ei conciliatur, si ostendi queat, per multa secula rem aliquam penitus fuisse ignoratam, nec nisi posterioribus Scriptoribus unice esse proditam; imprimis, si ex cœvis rei de qua quæstio est monumentis, contraria fere eliciantur. Quomodo enim juniores scire possent in re historica, quod a majoribus non acceperunt, aut cui plane contradicunt? Utantur igitur porro licet Eruditi, ceu ante factum est, hac probatione, ad redarguendas narrationes, *de legibus Justinianeis per Lotharium reductis; de Institutione Electorum sub Ottone III. de æde Lauretana, aliasque ejusmodi.* Sed, de historia calcati Friderici alia res est, nam illa, etsi a Germanicis Scriptoribus tradita non fuit, prodidit tamen eam Itali, & inter hos, concedente id Ruperto, *Scriptor Friderici avo proximus,* vel potius, si Sabellico credimus, temporum illorum omnino æqualis. Proinde, rulinemur citra nauseam, illud Petri Justiniani supra jam laudatum: *Sed, id externi*
Scri-

Scriptores non ponunt : nec iidem propterea negant. Satis est, quod domestici annales asserant, referant, attestentur.

Atque hæc sunt, quæ Ruperti nostri Argumentis obstare videntur: Superest, ut Conjecturas quoque illius absolvamus. Initio, non dubitare se, ait, quin pictores Guelficæ factionis, fallacia istius fama, de calcato Caesaris collo, potissimi autores fuerint. Id olim se dixisse, & postea in literis sibi accessisse Reinesium. Sed, si Geulficæ factionis pictores, tam audaces erant, ut Imperatorem tanquam a Papa calcatum falso repræsentarent, multum miramur, non repertos contra alios fuisse pictores Gibellinos, qui, ut remorderent adversarios, Attilæ institutum, quod ex Suida deinde narrat Rupertus, imitando, Imperatorem suis pedibus Papam calcantem exhibebant, imprimis quia citra mendacium & fraudem id facere licuisset, nam Imperator Alexandrum Papam Sede dejecerat. Nisi forte hanc unam rem Gibellini Guelfis concedebant, in cæteris semper contrarii. At enim, nihil odio, nihil amor, nihil lubrici pictorum in hac historia depingenda relictum fuit, verum, a mercenariarum operam locantibus, jussu (quod iterum dicendum est) & autoritate Jacobi Theupoli Ducis, Spectatissimorumque Almæ Venetæ Reipublicæ Patrum, ære publico historia efficta est, & fuit efficta, jamdum Anno a nato Christo MCCXXVIII.. Ex quibus simul apparet, quantopere deceptus fuerit Rupertus, dum in Epistola ad Amplissimum Virum, Georgium Richterum, JC. & hujus Academiae quondam Procancellarium gravissimum, suspicabatur, Pictorem qui Ahenobarbi historiam in publico Senarum atrio, ante hos ducentos quinquaginta annos exhibuerat, primum inspectam Mattheo Dandolo & Aloysio Mocenico Legatis Venetis, simplices ita infatuasse, ut ingenii lusum tandem in veram histori-

am converterent. Leguntur hæc in Richterianis Epistolis pag. 359. Verum enim vero, non cum pictore ex ingenio ludente, & quidvis parieti illinente, multo minus cum fatuis, nobis negotium intercedit; nec agitur de Senensi pictura, quæ solorum ducentorum quinquaginta circiter annorum fert ætatem. Sacri Veneti Senatus fidem, religiosi veneratores compellamus: In picturam, quæ universis propemodum quingentis annis est vetustior, oculos mentemque defigimus.

Cum his, etsi ultro jam pereunt, reliquæ quoque Rupertii conjecturæ, ex Oriente usque petita, operæ tamen pretium est, separatim quid de iis monere. Existimavit Rupertus, Bellos & festivos homines, picturam quandam Byzantinam quæ explicaverat miserabile fatum Absimari & Leontii, conspexisse, & transtulisse huc: Sic enim esse apud Siffridum in A.C. 689. Utrumq; (Absimarum & Leontium), cepit (Justinianus Imperator) & eorum corda calcavit, populo acclamante: Super aspidem & basiliscum ambulabis, & sic decollati sunt. Faciat alicui mirationem, in historia ad Justinianum II. Imperatorem, hoc est Seculum a Christo nato VII. attinente, haud alium testem produci, quam Siffridum, Misnensem presbyterum, qui, non nisi Alberti Austriaci Imperatoris, vixit temporibus. Esto tamen, vera scripserit is Chronologus, an ideo statim de miserabili illo fato extabat pictura quædam Byzantina, pictoribus occidentalibus visa? Adde, quod Zaninus Princeps victor erat, qui suis, Venetæque urbis auspiciis pugnaverat. Pontifici, nullæ in ea victoria partes, sed tantum ei fuit SUA DIGNITAS VENETÆ REIPUBLICÆ BENEFICIO RESTITUTA. Zanio igitur, non Papæ, in ista historia tribuisset pictor triumphalis, quam vult Rupertus, acclamationis formulam ex Psalmographo, aut potius ipsam rem, si ludere cum hominibus volebat, & exemplar ex Byzantina tabula ad imitandum sibi sumere.

Novis.

ET BASILICAM
CAVIT LECTOREM

I. ubi quidam agitur in agne
per se non sicut ex numeris capite
in ore Numas, ferit in prima de legibus
Sub, puerum, mi Castilia, lib. de rebus
cap. 106 & Praefationem Carolus
erod. ad Act. Numatiamque Galles
debetur cum plena inscriptione Alu. in
de. 1. 70. Epistula. 3. de Cruce cap. 1. &
tuli & de concordia antip. locutione
hem omnia eius verba, verum Numas
monstrant. Ergo, non omnino nulli
gloriam nos autem condimus, &
veram magnitudinem, hic representat
tem id perhibet, ut dicitur, sed
V. Jos. Ant. de rebus
matius Cuius, & 1. 1. 1. 1.
nus & colunt, & agitur
candide speculanda, ut
quopre pretiosum, &
finitis in hoc
Cassianus archiepiscopus de his
in hoc est benigne communi

a lau-
 t Ru-
 pro-
 nunc
 riore
 nten-
 DEM
 UL-
 dem,
 it Im-
 uem
 etus.
 itib
 n In-
 non
 Stra-
 lice-
 qui-
 om-
 l Le-
 n, &
 au-
 mus
 pri-
 ligi-
 um-
 umic
 , fed
 Me-
 ate,
 cile

Ad pag. 51.

HERACLI IMP. NUMMUS
ÆREUS.



am o
pag.
Iude
tuis
pict
ann
giof
hs p
mer
Cur
con
est, l
Belle
expl
tran
(Ab
eoru
liscu
nen
Seci
sten
qui
bus.
stati
zani
niu
fpic
fed
RE
Zar
um
ex P
min
tandum sibi sumere.

Novissime, tam in observationibus Besoldianis, quam in laudata ad Nobilissimum *Richterum* Epistola, opinatus est Rupertus noster, facere aliquid ad sententiam suam comprobendam, Heraclii quendam Numum, sive potius, uti nunc vocare solent, Metallionem prægrandem, unde posteriore loco, *Sicut hodieq.*, inquit, *victorum imaginibus dicta & sententia circumscribi solent, ita pictor addidit*: SUPER ASPIDEM ET BASILISCUM AMBULAVIT ET CONCULCAVIT LEONEM ET DRACONEM, quæ eadem, sculptor quidam, adjecit imagini & currui triumphali Heraclii Imperatoris, sicut ex numis constat. Cæterum, iste Heraclii, quem innuit, Numus, fertur in primis, & a multis est depictus. Sed, quidam, uti Casalius, lib. de veterib. sacr. Christ. ritib. cap. 100. & Præstantissimus Carolus Patinus noster, in Introduct. ad Rem Numariam quæ Gallice extat, p. 221. non dederunt cum plena inscriptione: Alii, uti Octavius Strada p. 270. Lipsius l. 3. de Cruce cap. 16. & Fortunius Licetus l. 6. de reconditis antiq. lucernis cap. 79. habent quidem omnia ejus verba, verum Numum justo minorem commonstrant. Ergo, non omnino nullam gratiam apud Lectorem nos inituros confidimus, si totam illius effigiem, & veram magnitudinem, hic repræsentamus. Facimus autem id per libenter, quando Nobilis quoque & Integerrimus Vir, *Joh. Andreas Viatis*, Noribergensis Reipublicæ primarius Civis, & Amicus noster, quem singulariter & diligimus & colimus, ex egregio Museo, quod artium quarumcunque speciminibus, armis antiquis ac recentibus, Numis quoque pretiosissimis, non suo Penatumque tantum, sed universæ urbis ornamento, refertum possidet, ipsum Metallionis archetypum, pro insigni sua erga nos humanitate, in hos usus benigne communicavit. En, hic ille est:

G 2

Facile

Facile primæ aspectu quisque animadvertit, utriusque lateris inscriptionem, subinde ab indocto signatore corruptam esse, in eaque restituenda, Rupertus ac Licetus laudabilem præstiterunt diligentiam. Quæ Heraclii capiti circumscripta sunt, secundum Rupertum sic vere legere oportet:

ΗΡΑΚΛΕΟΣ ΕΝ ΧΩ ΤΩ ΘΕΩ ΠΙΣ-

ΤΟΣ ΒΑΣΙ ΚΑΙ ΑΥΤΟ ΡΩ ΝΙΚΙΤΗΣ.

ΚΑΙ ΝΟΜΟΘΕΤΗΣ ΑΕΙ ΑΥΓΟΥΣΤΟΣ.

Sic oportet secundum eundem interpretari: *Heraclius in Christo DEO fidelis, Rex & Imperator Romano- rum, Victor & Legislatoresemper Augustus*. Paulo aliter circa hæc verba versatur Licetus, nam, & aliunde legendi facit initium, & quædam verba paulo aliter accipit, imo, id, quod retro, ad collum Heraclii scriptum est, circa quæ interpretanda Ruperto aqua hæserat, & quæ plane neglexit, cum cæteris conjungit. Quare, si hunc sequamur, sequenti modo lectio & interpretatio instituenda fuerit:

* αὐτοκρά-
τωρ. ΒΑCΙΛΕΥC. ΚΑΙ ΑΥΤΟΚΡΑΤΟΡ. *

ΡΩΜΗC. ΝΙΚΙΤΗΣ. ΚΑΙ ΛΟΓΟΘΕΤΗΣ.

ΑΕΙ ΑΥΓΟΥCΤΟC. ΕΝ ΧΩ ΤΩ ΘΕΩ

ΠΙCΤΟC. ΑΠΟ. ΝΙΚΙC. * Rex & Im-

perator Rome Victor & Logotheta semper Augustus Heraclius in Christo Deo fidelis, post victoriã.

Adolphus Occo, Medicus Augustanus, librum suum Numismatũ Imperatoriorum, a Pompejo Magno ad Heraclium usque continuatorum, cum ista inscriptione (alia enim hujus Metallionis apud eum non visuntur) claudens, legit:

ΒΑCΙ ΚΑΙ ΑΥΤΟ ΡΩ ΝΙΚΙΤΗΣ ΚΑΙ

ΝΟΜΟ-

NOMΘETHC AEI AVTOYCTOC
EN XΩ TΩ ΘEΩ ΠICTOC.

Conveniunt cætera penitus inter se Rupertus & Occo, nisi quod de primordiis lectionis discernimen intercedit, quod leve est, & parum refert, utro modo incipias. Potius tamen cum Ruperto facimus, quia sic *τὸ semper Augustus* postremum locum occupat, quod fere subijci solet nominibus propriis Imperatorum sequioris ævi, non præmitti. Malumus quoque ΡΩΜΑΙΩΝ & ΝΟΜΘΕΤΗC cum Ruperto & Occone legendum arbitrari, quam ΡΟΜΗC & ΔΟΓΟΘΕΤΗC cum Liceto, nec probamus illud ΑΠΟ ΝΙΚΗC sive superioribus, ad quæ neutiquam pertinet, junctum, sive ab iis separatum. Etsi enim difficilis hic in Nummo evadit lectio, & ipse Rupertus sensum scriptionis assequi desperavit, tamen ΝΙΚΗC non satis quadrat, & de alia voce cogitandum, quæ magis ad notas in Nummo expressas, accedit. Sane quidem, ΑΠΟ ibi haberi, minime dubium est, sequitur deinde, perspicue Α quod excipit I, extremas vero literas I & C esse, itidem certum videtur. At, difficultatem parit, quod, cum cæteroquin singula vocabula punctis sollicitè in isto nummo discriminantur, hic quidem, ita conjungantur omnia, quasi unum solum verbum constituent; tum vero, elementum quod quintum numero est, quale sit, non elare se manifestat. Referunt melius, præ Liceti sententia, quod in Nummo sculptum habetur Lipsii & Stradæ expressiones, quorum ille ΑΠΟΛΙΝΙC hic ΑΠΟΛΙΜΙC, legerunt. Sed, eæ voces, cum, sic exaratae, sensu careant, nisi distinctione & emendatione juventur, evadunt inutiles. Velle-

G 321201 (mus

mus igitur, hoc Eruditiores nobis præstarent; ab iis autem, quia hætenus deferimur, quoad ipsi officium facient, & meliora docebunt, nostram tantisper nobis proponere conjecturam venia esto, qua ΑΠΟ ΛΥΠΗΣ, aut ΑΠΟ ΛΥΜΗΣ vel ΑΠΟ ΛΗΜΗΣ explicacionem faciendam esse censemus, quæ, Latine fuerint: POST MOEROREM. POST CALAMITATEM. POST OCULORUM CALIGINEM. Quodcunque ex his accipias, neque a Numi characteribus nimium discrepans lectio, aut valde absurdus sensus oriuntur. Nam, litera I, sæpe pro Υ aut H in antiquis monumentis, & alibi in hoc ipso numo ponitur, tum vero elementorum N. M. & Π magna est in hoc Numo similitudo, ita ut fere a se invicem distingui nequeant. Quadratur autem cum una quaque istarum explicacionum, illud, e regione positum: ILLUMINA VULTUM (*vultum*) TUUM DEUS, quod fortasse cum altero habet connexionem, ut quasi petat Heraclius, *post mærorem*, aut, *post calamitatem*, vel, *post oculorum caliginem*, *Deus vultum suum illuminare dignetur*. Commendat setamen præ cæteris postrema hariolatio, tum quia proxime literas in numo sequitur, tum quia ei, totique, quatenus reliquis conjungitur interpretationi, favens aliquantilla ratione dictum, apud S. Chrysostomum homil. 11. ad Pop. Antioch. legisse recordamur, in hæc verba: Μὴ τοίνυν εἶπης μοι τὰ δάκρυα καὶ τὰς λήμους, τὸτο γὰρ διὰ τὴν σὴν ἀμαρτίαν γέγονεν. Ut vero, ad reliqua in Numo progrediamur, perspicuum est, Lunæ imagini, quæ subter Heraclii vultum conspicitur, inscribi: SUPER TENEBAS (*Tenebras*) NOSTRAS MILITABOR IN GENTIBUS

TIBUS: ut ea propter, suum magis Genium, quam Numi
 imaginem sequuti videantur, Casalius & Licetus, dum pro
 MILITABOR, ipsi, MILITABIT sculpi iusserunt:
 quod idem alii fecere, MILITABO incidentes, ceu fa-
 ctum esse, a Liceto proditur. Estque sine dubio, omnis
 ista lectionum varietas, & Numi, modo parva, modo magna
 representatio, non, quo Licetus inclinatur, ex ipsa Numi di-
 versitate, atq; alia & alia figura, sed, quia cum exhibere vo-
 lentes, hunc finxerunt, & interpolaverunt ex arbitrio; quo-
 rum plerique non ipsum Numum, sed ejus figuram aliquam
 ectypam ad manus habebant, nonnunquam aglyptis quoque
 est peccatum.

Quantum ad averfam Numi partem
 attinet, ibi extremam oram palam ambiunt verba: SUPER
 ASPIDEM ET BAXSILISCUM (*Basiliscum*) AMBULA-
 VIT ET CONCULCAVIT LEONEM ET DRACO-
 NEM.

Quae in medio intuemur verba, rursus legentibus
 negotium facessunt, & mirificam eorum interpretationem
 nobis dedit Licetus, quam integram juvat adscribere: *Epi-
 graphæ*, inquit, *Græca, male sculpta legitur in Plantiniano, Car-
 donianoq; Codice, nec absolute bene in Romano: scribebant illis:*

XΘΙΑ. ΕΝ. ΥΨΙCΤΙC. ΧΥ ΙΟΟΥ. ΟΤΙ.
 ΧΙΕΡΡΙΕΕ. CΙΧΙΡΑC. ΠΙΛΑC. ΚΑΙ.
 ΕΛΕΥΘΕΡΥCΕ. ✠ ΑΠΑΝ. ΒΑCΙ.
 ΗΡΑΚΛΕ.

*Quae sic legi debent, in Romano & Casalii Codi-
 ce bene posita:* ΔΘΕΑ. ΕΝ. ΥΨΙCΤΟΙC.

ΧΡΙCΤΟ. ΤΟ. ΘΕΟ. ΟΤΙ. ΔΙΕΡΡΙΕΕ. * CΙΔΗ-
 ΡΑC. ΠΙΛΑC. ΚΑΙ. ΗΛΕΥΘΕΡΩCΕ. ✠
 ΑΠΑΝΤΑC. ΒΑCΙΛΕΥC. ΗΡΑΚΛΕΙΟC.

Quae sic Latine vertas: GLORIA. IN. EXCELSIS.
 CHRISTO. DEO. QUIA. FREGIT. FERREAS.

POR-

* διέρρηξα

* πύλας

PORTAS. ET. LIBERAVIT. OMNES. (*Patres nimirum Sanctos, ab exordio mundi ad mortem Christi detentos in carcere tartareo. Hic terminatur oratio Divina laudis. Dua postrema nota græcica, sunt initium historia Latinis Literis expressa: ut sensus sit:*) REX HERACLIUS (*de quo statim ponitur Epigraphe Latina*) SUPER. ASPIDEM. ET. BASILISCUM. AMBULAVIT ET. CONCULCAVIT. LEONEM. ET. DRACONEM. *Quia pralio subegit Persarum Regem Cosdroa cum immani ac feroci exercitu suo; recuperans ab eo sanctam Domini crucem, quam ille prius abstulerat ab Hierusalem, & Heraclius reportavit ad pristinum locum Hierosolymitanum: veleriam universam nummi inscriptionem ad subditos Heraclii referre possumus, qui Deum orent pro conservatione sua, & glorificent Deum, ac laudent Imperatorem.* POST VICTORIAM *de Persis habitam:* ILLUMINA VULTUM TUUM DEUS SUPER TENEBRAS NOSTRAS: *quia Princeps est vultus Dei, cujus vicem gerit in terris, & populi, respectu Principis, tenebrae sunt, super quas lucere debet virtus ejus a Deo illuminata: & semper iterum victrici pugna* MILITABIT IN GENTIBUS REX ET IMPERATOR ROMÆ VICTOR ET LOGOTHETA SEMPER AUGUSTUS HERACLIUS IN CHRISTO DEO FIDELIS, SUPER ASPIDEM ET BASILISCUM AMBULAVIT ET CONCULCAVIT LEONEM ET DRACONEM *superato Cosdroa Persarum Rege cum toto exercitu suo feroci ac immani:* GLORIA IN EXCELSIS CHRISTO DEO QUIA FREGIT FERREAS PORTAS ET LIBERAVIT CRUCE UNIVERSUM, *genus humanum a servitute diaboli: & FREGIT armatos ferro milites Persas, ET LIBERAVIT CRUCEM ET OMNES fideles a captivitate Cosdroa,* REX HERACLIUS. Non patitur temporis, aut instituti nostri ratio, de istis singulatim disquirere, nam, quæ dicenda essent, paucis absolvi non possunt. Prodit vero se ultro quam misere multator.

ta torqueat Licetus, alia arceſſat longiuſcule, quæ, ne ſcimus an aliis, nobis certe nec probantur, nec placent. Melius utique Rupertus noſter ſe hic geſſit, cujus iſta verborum Græcanicorum reſtitutio eſt, & interpretatio:

ΔΟΞΑ ΕΝ ΥΨΙΣ ΤΟΙΣ ΧΩ ΤΩ ΘΕΩ
ΟΤΙ ΔΙΕΡΡΗΞΕ ΣΙΔΗΡΑΣ ΠΥΛΑΣ ΚΑΙ
ΗΛΕΥΘΕΡΩΣΕ ΤΗΝ ΑΓΙΑΝ ΒΑΣΙ
ΗΡΑΚΛΕ. *Gloriam altiffimis Chriſto DEO*

(omiffa hic a typographo eſt fortasſe vox, *quia*, aut alia ſi-
milis) *diſrupit ferreos poſtes, & liberavit ſanctũ re-
gnum Heraclii.* Quanquam, ſi, quod mente volvimus, di-
cendũ eſt, etſi in his nihil contortum, & ſenſus ex facili fluit,
dubitare tamen quiſquã, citra contumeliam Viri, poſſet, an
etiam Rupertus ubique acu, quod ajunt, rem tetigerit. Eſt
enim in Numo inter media Græcanica verba, crucis profe-
cto ſignum expreſſum perſpicue, quod ΤΗΝ articulum
tantum valere, prout Rupertus exiſtimavit, forſitan non
omnes ſentient. Scilicet, curru triumphali vehens, cru-
cem manugeſtat Heraclius, quare ad hanc rem, ſi quid nos
judicare poſſumus, omnino pertinet inſcriptio, nec de
nihilò eſt illud crucis ſignum inibi expreſſum. Audebi-
mus igitur, noſtram quoque conjecturam, æquo Lectori di-
judicandam relinquere, ejuſq; vel applauſum, vel aliam ſa-
niores explicationem provocare. Nos quidem, verba le-
gimus plene hunc in modum: ΔΟΞΑ ΕΝ ΥΨΙ-
ΤΟΙΣ ΧΡΙΣΤΩ ΤΩ ΘΕΩ ΟΤΙ ΔΙΕΡΡΗΞΕ
ΣΙΔΗΡΑΣ ΠΥΛΑΣ ΚΑΙ ΗΛΕΥΘΕΡΩΣΕ
ΣΤΑΥΡΟΝ ΑΓΙΟΝ ΒΑΣΙΛΕΥΣ ΗΡΑ-
ΚΛΕΙ-

KAEIOC. Quæ interpretamur: **GLORIA IN ALTIS-
SIS DEO: QUONIAM PERRUPIT FER-
REAS PORTAS ET LIBERAVIT CRUCEM SAN-
CTAM REX HERACLIUS.** Si quis ferat nos,
ATION pro **ATIAN** legentes, id quod facile, (tum
ob alia in Numo similiter corrupta, aut, quia sequioris
generis latinam vocem **CRUX**, magis quam Græcum
CTATPOC in animum revocare debet signum expres-
sum,) nos impetraturos confidimus, jam cætera extra repre-
hensionis periculum esse constituta videntur, maxime, quia
cum nostra interpretatione, egregie concordant eventus
rerum, ad quos Numus omnino alludit. Etenim, ceu plu-
ribus est apud Cedrenum, & Zonaram, unde hæc exscribi-
mus: Chosroës Rex Persarum, cum ingenti exercitu inva-
ferat Palæstinam, multisq; Christianorum millibus occisis,
expugnata Hierosolymitana urbe, præter reliquam præ-
dam, & captivorum multitudinem, Zachariam quoque Pa-
triarcham, & sacram Domini Crucem, secum absportave-
rit. Tum Heraclius, facta cum Avaribus pace, copias ex Eu-
ropa in Asiam transfert, & trajecto Euxino mari, Armeni-
am intrat, inde, in Persidem interiorem pervadit, mox, vi-
ctor, summa cum difficultate Taurum montem superat, ad
Tigrim fluvium castra locat, nec multo post, contra omni-
um opinionem, Euphratem vado transit. Atque, hæ sunt
ferreæ illæ portæ, quas Heraclius Divino adjutus præsidio,
perrupisse dicitur. Gessit autem res adversus Persas satis
prospere, & tandem, postquam Chosroës Rex, a filio Siroë
trucidatus fuerat, post expeditionem sexennem, cum hoc
pacem fecit, captivos, & inter hos, Zachariam quoque Pa-
triarcham, una cum sanctæ Crucis venerabili ligno, unice
desiderato, recepit, atque sic ovans in ditionem reversus, ac
publi-

publicis gratulationibus, a subditis, qui frondes oleaginas & faces in occursum ferebant, exceptus est. Hanc historiam, & præcipue illum lætum, Heraclii cum cruce Dominica, inter faces & accensas lampades in urbem Constantinopolitanam triumphalem ingressum, certo certius figurat Numus iste, proindeque ad eum omnis accommodanda est verborum quæ inscribuntur, conceptio. Præstat id nostra interpretatio quam dedimus, & sunt illa, SUPER ASPIDEM ET BASILISCUM AMBULAVIT ET CON-
CULCAVIT LEONEM ET DRACONEM, voces acclamantis populi, cujus imagines Numus non capiebat.

De Numi explicatione dictum abunde est, idque studium, quod in ea eruenda insumpsimus, facile arguit, non spernere nos penitus hoc νόμισμα, sed habere aliquo in pretio. At, quod Rupertus futurum speravit, neutiquam illud stupemus. Non enim probum, genuinum, & vetus, hoc arbitramur, sed notæ adulterinæ, recens, & supposititium. Ut ideo, nihil commodi aut lucis exinde accedat picturæ & controversiæ, de calcato aut non calcato Friderico Cæsare, cum omni ista pictura longe sit recentius: Imo, ut fieri potuerit, ex illa historia calcati Friderici, natam hanc Metallionis esse inscriptionem. Neque vitio nobis verti debet, quod a Magnis Viris, Lipsio, Casalio, Liceto, Occone, Ruperto, aliisque, qui hunc Numum maximi fecerunt, hic discedimus, & fidem istius Monetæ sollicitando, ex veterum numero eam expungimus, nam, idem, jam ante nos facere instituit, optimus Rei veteris Numariæ *de γυρονομίαν* & eximius Vir, *Carolus Patinus*, in libello supra jam laudato. Ubi, ante quam Heraclii istum Metallionem utcunque depictum repræsentasset, prius præmittit: *J' avois quelque dessein de fournir au Lecteur des representations de toutes les Medailles contrefaites qui estoient*
venies

venies a ma connoissance, afin qu'il put connoître celles qu'on con-
serve ordinairement dans les Cabinets, & qu'il ne les confondit pas
avec les véritables: mais je n'ay pas voulu leur faire plus d'hon-
neur qu'aux Antiques, qui leur doivent estre preferées, dont je n'ay
allégué qu'un exemple a chaque Chapitre. Ainsi reservant cette en-
treprise a quelque autre Ouvrage, j'en cotteray seulement une con-
trefaite, qui est sans doute plus considerable que toutes les autres: la
grandeur du sujet qu'elle decrit dans un siecle barbare, la diversité
des idiomes qui en forment l'inscription, & la maniere dont tout y
est exprimé, en feront suffisamment connoître la fausseté, sans que
j'aye besoin de la prouver plus precisément. Id est: Erat mihi quo-
dammodo propositum, exhibere Lectori representationes omnium
Numorum adulterinorum, qui in meam pervenere notitiam, ut ita
eos, qui vulgo in Museis asservari solent, cognoscere posset, nec falsos
cum veris confunderet. Sed vero, nolui eos majore honore affi-
cere quam Antiquos, qui illis sunt præferendi, & ex quibus, sin-
gulos tantum, singulis adjunxi Capitibus. Itaque conatum hunc alii
reservans libro, in præsentia unum tantum notum depingam, qui
est sine dubio reliquis omnibus anteferendus. Dignitas rei quam
describit in Seculo barbaro, idiomatum, quæ inscriptionem formant,
diversitas, & modus, quo omnia exprimuntur, satis falsitatem cogno-
scendam dabunt sine quam ut opus habeam eam probare exactius.
Sunt hæ Patini rationes, ejus generis, ut assensum facile
mereantur, non tamen ægre feret Amicus, si, citra quam
ut illius argumentis quicquam deteramus, ea quæ nobis
deprehenisa sunt *videtur* in hoc Metallione indicia, insuper
producimus. Principio, illud AEI AΥTOYCTOC
SEMPER AΥΓVSTVS cuiquam non injuria suspe-
ctum videri queat, atque cum Insignis Vir, & quo Germa-
nia nostra magnifice sese effert, *Hermannus Conringius*
in Notis ad Lampad. p. 100. testetur, *Semper Augusti*
appellationem, in nullo sibi Numovisam, multo minus fortasse
in Græcanicis antiquis Numis AEI AΥTOYCTOC
legas

legas. Imo, ipsum nomen **ΑΥΓΟΥΣΤΟΣ** Græci in-
frequentè admodum in Numis adhibuerunt, qui **ΣΕΒΑΣ-
ΤΟΣ** pro eo dicere amabant, atq; Octavianus adeo Cæ-
sar, plerunque in Numis Græcis, posteriore hoc, non priore
insignitur cognomine. Extant tamen Numi ejus, in qui-
bus **ΑΥΓΟΥΣΤΟΣ** quoque habetur, sed, post ipsum,
vix amplius, aut saltem rarissime, comparet id nomen, &
fere semper **ΣΕΒΑΣΤΟΙ**, Cæsares, Augustæ, **ΣΕ-
ΒΑΣΤΑΙ** audiunt, ad Trajanum usque, in cujus Numis
ΑΥΓΟΥΣΤΟΣ iterum adhibitum, ejusque usus de-
inde paulo amplius invaluit. Quia vero **PERPETUO
AUGUSTUS** est in Numis Zenonis, Anastasii, Phocæ,
ipsiusque Heraclii, & **ΑΥΓΟΥΣΤΟΣ** in Græcis
quoque Numis usurpatum, non potest damnari plane illud
ΑΕΙ ΑΥΓΟΥΣΤΟΣ, sed videri pro **PERPETUO
AUGUSTUS** positum, etsi pro hoc plurimum **ΑΕΙ
CEBACTOC** vel uno verbo **ΑΕΙCEBACTOC**
Græci dicere solebant, quod immortalis famæ Boeclerus
quoque noster, in Notit. Imp. p. 43. annotavit. Quamo-
brem, missis his, ad alia properandum, & Heraclii vestes, qui-
bus amictus incedit, paululum excutiendæ nobis veniunt,
quæ, si rectè prospiciunt oculi, sacrorum schema habent.
Et tales sunt, imprimis eæ, quibus in curru sedens Heraclius
induitur, gestat enim, quod vulgi voce dicitur, Pluviale, cu-
jus usus quondâ Episcopis in supplicationibus & vespertinis
precibus. At, si veros Heraclii Numos, aliorumque Con-
stantinopolitanorum Imperatorum, & vel eos, quos Cardi-
nalis *Baronius*, in Annalibus A. C. 627. n. 29. *Lipsius*, lib. de
Cruce c. 16. *Patinus*, in Opere de Numismat. Imperat. Ro-
man.

man. p. 499. & ille elegantioris literaturæ Arbitrator, Musarum delictum, Italiæ decus, Summus Vir, *Octavius Ferrarius*, qui nos, quod publice jactamus, amat, in *Analect. de Re Vestiar.* ad c. 17. dederunt, quis respiciat, longe alia vestium forma sese offert, & magis conveniens illi ævo. Possent vero multa, adversus illas *Heraclii* vestes, ex laudati *Ferrarii* de *Re Vestiar.* *Commentariis*, insuper afferri, sed, quæ apud illū legi debent, vel potius, nemini non, cui humanior eruditio curæ cordique est, pridem lecta sunt ac perspecta: itaque digitum huc intendisse sufficit. Jam porro, ipsa quoque *Heraclii* Corona, non talis est, quali Imperatores prisca ornari solebant, aut cujus imago alibi facile, in Numis se nobis offert, sed, quam a Romanorum Pontificum corona, quæ Regnum dicitur, formam credas esse mutuata. Unde, aut valde fallimur, aut remota Numi inscriptione, omnes, illius effigiem qui currui insidet, Romanum Papam interpretarentur, nemo unus Romanum aliquem Imperatorem. In veris *Heraclii* Numis, caput illius Imperatoris vel diademate sive vinculo vincitur, prout spectare licet in iis quos *Baronius* exhibuit, vel habet coronam, similem aliorum Constantinopolitanorum Imperatorum, atq; hæc apud *Lipsum* & *Patinum*, locis indicatis, spectatur. Est de *Heraclii* Corona memorabilis locus apud *Cedrenum*, quem sic vertit *Interpres*: *Post Heraclium, filius ipsius Constantinus, Imperium gessit per menses IV. Corpore fuit languido, quotidie propemodum egrotans. Is a quibusdam admonitus, coronam qua regno inauguratus fuerat, cum patre esse sepultam: Callinico cubiculario mandat, ut eam sibi afferat. Abiit ille, & sepulchro recluso, cadaver Heraclii aquæ instar dissipatum reperit, coronamq; capiti adhærescentem. Eam, cum crinibus revellit mæstus atq; lamentans, & Constantino adfert. Is sol.*

Is solvi ac aestimari jubet coronam, & aestimata est libris LXX. Sequitur deinde, paucis interjectis: Imperium deinde Heracleonas cum matre Martina tenuit menses VI. Is, ad templum S. Sophiae protulit coronam, quam Constantinus ex sepulchro patris abstulerat. Quæ postrema, nescimus, quomodo cum superioribus concordent, nisi Constantinus, ex soluta Heraclii patris corona, aliam rursus conflare fecit, atque sic Heracleonas, eandem potius coronæ materiam, quæ ex Heraclii tumba ablata fuerat, templo Sophiae intulit, quam coronam. Inest aliquod momentum, istis, quæ diximus, ad suspectum nobis reddendum Heraclii Metallionem, sed, ut omnis de ejus suppositione dubitandi præcludatur occasio, faciunt literæ Lombardicæ quarum figuræ in utraque Numi pagina, aliis majoribus immiscentur. Lombardicas enim literas vere & perspicue in verbis, DEUS, &, ASPIDEM, Numus agnoscit, easque, Lipsius pariter, in suo typo dedit expressas. Quis vero tam rerum omnium ignarus est, ut nesciat Lombardicum characterem a Constantinopolitano Imperatore, & quidem in Numo, VII. post Christum natum Seculo, non potuisse adhiberi? Est quoque illa literarum O & Y in unam figuram, quam vox ΑΥΤΟΥΚΤΟC habet, contractio, posteriorum inventum, nec habet exemplum in Numis & Codicibus antiquis. Tandem, vel sola villosa, crassa, & promissa illa Heraclii barba, quam utraq; manu in adversa Numi parte demulcet, omnium clarissime monetæ istius falsitatem manifestat. Caruit enim barba, saltem magna, Heraclius, eumque aut imberbem, aut genas non admodum hirsutum hispidumque, non tandem veri, ad quos toties provocavimus, Numi, apud Baronium, Lipsium, & Patinum, ostendunt, sed talem omnino, more cæterorum Imperatorum Constantinopolitanorum ipsum fuisse, Cedrenus testis est, qui signanter: ΟΥΤΟΣ Ο ΗΡΑΚΛΕΙΟΣ ΗΝ ΤΗΝ ΗΛΑ-

σὴν ἡλικίαν μεσσηλίξ, εὐαδής, εὐεργός, εὐόφθαλμος, ὀλίγον ὑπόγλαυκος, ξανθὸς τὸν τρίχα, λευκὸς τὴν χροιάν, ἔχων τὸν πάρος πλατὴν καὶ πρὸς μῆκος ἐκκρεμὴν ὀπηνίκα δὲ πρὸς τὸ τῆς βασιλείας ἦλθεν ἀξίωμα, εὐθέως ἐκείρατο τὴν κόμην, καὶ τὸ γένειον, πρὸ βασιλικῆς χήματι. Fuit Heraclius statura mediocri, robustus, firmo pectore, oculis elegantibus, ac nonnihil caesus, fulvo crine, albus, barba lata atq; proluxa. Sed Imperator factus, ex templo comam totondit, ac mentum rasit, qui est Imperatorum habitus. Non igitur ipse Heraclius, sed Plannus aliquis, sumta occasione ex Heraclii historia, istum Numum recenti ævo procudit, & speciem quandam vetustatis, quædam fortasse data opera corrumpendo, ei conciliare studuit. Hoc nos schema, ne porro aliis imponat, sic detraximus, simul & historiam, de vere calcato Friderico Barbarossa, contra Doctissimum Rupertum nostrum asseruimus. Factum id tamen, sine quam ut verbulo unico illius existimationem læderemus, eam enim semper venerabimur, prorsus utitanti Viri caris cineribus & favillæ, quoties sepulchrum ejus præterire contingit, optare semper solemus:

— tenuem, & sine pondere terram,
Spiranteisq; crocos, & in urna perpetuam ver.

XVI.

Ex longo, non injucundo tamen diverticulo, tandem auspice Mercurio Laribusque, redeundum est in viam, atque gradus ad HENRICUM VI. Friderici Barbarossæ filium, affectandus, qui uxorem habuit *Constantiam*, Rogerii Siculi filiam, ex monasterio educatam, quæ, ad eum Siciliæ Regnum attulit, & jam quinquagenaria filium enixa est *Fridericum*, Panormi, in publico theatro, ne suppositius esse censeretur. Italiam ingressus, atque a *Cælestino III.* Papa coronatus, *Apulos* & *Campanos* rebelles graviter multavit, *Hetruria* vero, *Philippum* fratrem Præfectum dedit. Cumq; Siculi, *Tancredum*, Rogerii filium nothum, pro Rege habere cœpis,

cœpissent, in illum & complices multa crudeliter Henricus statuit. Ex eo tempore Sicilia Regnum penes *Normanos* esse desiit, & transiit ad *Suevos*. Postea, Pontificis hortatu, Patrisque exemplo, expeditionem in Asiam contra Saracenos Henricus instituit, bellumque per Legatos gessit satis feliciter. Hunc prosperum rerum cursum mors illius sufflaminavit, dum enim in Sicilia classi instruendæ operam dat, in febrem ardentem ex potu venenato incidit, quem ei uxor, quam adulteriis, & sævitia in Normannos exacerbaverat, propinavit. Ex ea re mortuus est A. 1197. & sepultus Panormi, postquam 7. annis imperium administraverat.

XVII.

Mortuo Henrico, a majori parte Procerum Germaniæ *PHILIPPUS* frater ejus, Imperator renunciatur, cui offensus *Innocentius III.* Papa, primum *Bertoldum* Zaringiæ Ducem, atque hoc ultro cedente, *Ottonem* deinde, Henrici Leonis filium, æmulos & adversarios concitavit. Fuit vero inter Philippum & Ottonem grave ac diuturnum bellum, quod post multam sanguinis effusionem, tandem ita compositum est, ut Otto, *Beatricem*, Philippi filiam uxorem acciperet, a titulo & re Imperii quamdiu Socer superstes foret, abstineret, post mortem vero succederet. Pace parta, non diu supervixit Philippus, sed inter magna molimina, *Bambergæ* nefarie occisus est in cubiculo, ab *Ottone Wittelsbachio* Comite Palatino, quod Imperator, filiam *Kunigundem*, quam Ottoni pollicitus fuerat, ob cædem ab eo patratam, in thalamum dare abnuebat. Factum id A. C. 1208. Conjugem habuit Philippus, *Irenen*, *Isaaci Angeli* Imperatoris Græci filiam.

XVIII.

Igitur post Philippum, *OTTO IV.* regnavit ex pacto, qui, *Ottonem Wittelsbachium* ob parricidium, ejusque conscium,

Marchionem Histria proscriptit. Cum autem nonnulla in Apulia, & alibi in Italia, Imperio Otto vindicare vellet, *Innocentium* Pontificem hoc conatu magnopere offendit, se vero in summas coniecit angustias. Siquidem a Pontifice excommunicatus, nec a Proceribus Germaniæ, (qui plus Papæ quam Ottoni favebant, & *Fridericum* Henrici VI. filium, Siciliae Regem, adversus eum jam elegerant) pro Imperatore ultra agnitus est. Etsi vero Otto variorum Principum auxilia contra *Fridericum* impetraverat, Angli nimirum, Poloni, & aliorum: nihil tamen adversus illum, quippe Germaniæ Ordinum, & *Philippi* Galliae Regis auxiliis suffultum, promovit; & tandem, prælio ad Bovinensem pontem commisso, cum omnibus auxiliaribus copiis a *Philippo* Galliae Rege cæsus est profligatusque. Post eam cladem, Brunsvigiam se contulit, & reliquum vitæ tempus, privatus in luctu & mœrore ad fatalem usque terminum (qui secundum accuratiores Chronologos in A. C. 218. incidit) exegit. Cum *Maria*, Ducis Brabantiae, & *Beatrice*, *Philippi* Imperatoris filia, vixit in conjugio, sed ætates ex utraque.

XIX.

FRIDERICUS II. Henrici VI. filius, *Friderici* Ahenobarbi nepos, Siciliae & Apuliae Rex, contra Ottonē, insignia Imperii Germanici A. 1215. primum Aquisgrani, deinde A. 1519. Romæ ab *Honorio III.* accepit, fuitque Princeps animi juxta & corporis dotibus insignis, literatus præterea, & literatorum fautor eximius. Eam ob rem literas omni ratione promovere studuit, huncque in finem *Viennensem* Academiam in Austria, *Patavinam* in Italia instituit, Aristotelis quoque, Galeni, & Avicennæ monumenta, ut in Scholis publicis prælegerentur, ex Græco & Arabico in Latinam Linguam curavit transferri. Idem, quo pacem & concordiam in Imperio conservaret, aliquot *Authenticas* de rebus maximi momenti composuit, quæ Codici Justiniano hodie insertæ leguntur. Huic *Friderico* plurimum negotii *Honorius III. Gregorius IX.*

rius IX. & Innocentius IV. Pontifices crearunt, eumque indignissimis vexarunt modis. Cum enim expeditionem Hierosolymitanam, Imperii curis distentus, exhortationibus Pontificis neglectis, suscipere differret, excommunicatus est, nec prius anathemate solutus, quam profectionem instituit. Scilicet, hoc consilium erat Pontificum illorum temporum, ut Imperatoribus Germanicis, in longinquas orbis regiones, velut in exilium damnatis, & specie religionis omnes suas fortunas effundentibus, ipsi interim domi rebus suis studere possent, nemine id prohibente. Sed vero, trajicere in Palæstinam volentem Fridericum, Pontifex rursus inhibet, minime ex dignitate augusta instructam Classem esse objectans. Ille nihilominus insistit ccepto, & rem feliciter gerit, *Hierosolymam, Bethlehemum, & Nazaretham* recuperans. Dum Imperator peregre abest, *Gregorius* Pontifex *Apulos* ad defectionem sollicitat. Sic ille domesticis rebus providere coactus, in *Apuliam* reversus, perfidos sternit & profligat, ac Pontificem ingenti pecunia placat. Victis dein *Lombardis*, domitis *Mediolanensibus, Sardiniam* quoque, ab antiquo Siculis Regibus subditam, vindicat, quam, cum Pontifex Ecclesiæ reddendam contenderet, nec morem gerere vellet *Fridericus*, eum diris devovit Papa, totum orbem adversus *Fridericum* sollicitans, & omnibus sese illi opponentibus, liberationem ex purgatorio, & vitam æternam pollicens: unde magni tumultus inter *Guelfos & Gibellinos* passim in Italia exorti sunt. Imperator tamen prospera fortuna usus, omnes Pontificis molitiones elusit, eoque desperationis illum adegit, ut morbo ex dolore contracto extingueretur. *Gregorio*, (interjecto *Cælestino IV.* paucorum dierum Pontifice,) succedit *Innocentius IV.* & ipse *Friderico* infensissimus. Sic continuata bella, & inter hæc Christianus Orbis passim a Saracenis, Turcis, ac Tartaris fœde dilaceratus est. *Innocentius*, Italia pulsus, in Galliam profugit, ibique lectis novis Cardinalibus, & convocata Synodo *Lugduni*, Imperatorem excommunicat, præcipitque Germanicis Principibus, ut alium in locum substituant. *Fridericus* premi se animadvertens, offert conditionem Papæ, se, si in communionem fidelium recipiatur, perpetuum in Palæstina bellum gesturum, quam ille contemtim sprexit. Ergo compulsus *Fridericus* vim vi repellere, sicarios a Pontifice immissos, supplicio afficit, *Henricum*

Thuringiæ Landgrafium, *Clericorum Imperatorem* dictum, misso adversus eum *Conrado* filio vincit, thesauros a Papa, *Wilhelmo* Hollando submissos, intercipit. Tot igitur & tam variis fortunæ procellis jactatus Imperator, & ab amicis desertus, cum insidias sibi in Italia strui animadverteret, in Siciliam reverti constituit, sed in itinere, ex propinato veneno, ardentissima febre correptus, A. C. 1250. cum imperasset annos 38. vitam cum morte commutavit. Sunt, qui perhibent, cum medicorum opera spes esset recuperandæ valetudinis, a *Mansfredo* filio notho, ex *Blanca* Marchionissa Montisferati, pellice, pulvino in os injecto suffocatum periisse. Conjuges habuit sex omnino: *Constantiam*, Aragoniæ Reginam. *Jolandam*, Johannis Brennæ Regis Hierosolymorum filiam. *Agnetem*, Ottonis Marchionis Meraniæ filiam. *Rutinam*, Ottonis Comitis Bavarici filiam. *Isabellam*, Ludovici Bavarici filiam. Denique *Mechilden*, Johannis Angliæ Regis filiam.

ΕΠΙΜΕΤΡΑ.

I.

Vetus Judæorum Republica, ad nullam quadrat earum Politiarum speciem, quas Aristoteles cognitas habuit.

II.

Judæi, si rem recte putemus, sunt omnium mortalium longe nobilissimi.

III.

Falsum est, Veteribus fuisse lampadas, perpetuo, citra novi liquoris affusionem, ardentes.

IV.

Germanica lingua, si unam Hebraicam excipias, ceteras omnes præstantia facile vincit.

V.

Justinianæ Leges, ne utiquam, ceu vulgo creditur, in Scholas jussu & autoritate Lotharii Imperatoris, sunt reductæ.

VI.

Aggratiandi, quod vocant, jus, minime Suprema Potestati est adimendum.

VII.

Non semper potest conjux conjugem de adulterio accusare, neque repudium ipsi mittere.

F I N I S.

005647159